

九十七



古香齋新刻袖珍淵鑑類函卷三百八

人部六十七

遊覽
恤孤

懷青



遊覽五下

原賦後漢班彪遊居賦夫何事於冀州聊託公以遊居
歷九土而觀風亦替人之所虞遂發軔於京洛臨孟津
而北厲想尚父之威虜號蒼兕而明誓既中流而歎息
美周武之和性謀入神以動作享魚魚之瑞命瞻淇澳
之園林善綠竹之猗猗望常山之戢戢登北岳而高遊
嘉孝武之乾乾親節躬於伯姬建封禪於代宗極元玉
於此邱徧五岳與四瀆觀滄海以周流鄙臣恨不及事

東漢淵鑑類函

卷三頁

人部 遊覽

一

陪後乘之下僚今匹馬之獨征豈斯樂之足娛且休精
於敝邑聊卒歲以須臾 魏曹植節遊賦覽宮宇之顯
麗實夫人之攸居建三臺於前處飄飛陛以凌虛連雲
閣以遠徑營觀榭於城隅亢高軒以迴眺綠雲霓而結
疏仰西岳之崧岑臨漳滏之清渠觀靡靡而無終何眇
眇而難殊亮靈后之所處非吾人之所廬於是仲春之
月百卉叢生萋萋謁謁翠葉朱莖竹林青蔥珍果含榮
凱風發而時鳥譁微波動而水蟲鳴感氣運之和順樂
時澤之有成遂乃浮素蓋御驪駒命友生攜同儔誦風
人之所歎遂駕言而出遊步北園而馳騫庶翺翔以解

憂望洪池之混濛遂降集乎輕舟沈浮蟻於金壘行觴
爵於好仇絲竹發而響厲悲風激於中流且容與以盡
觀聊永日而忘愁嗟羲和之奮策怨曜靈之無光念人
生之不永若春日之微霜諒遺名之可紀信天命之無
常愈志蕩以遙遊非經國之大綱罷曲身而旋服遂言
歸於舊房 又感節賦攜友生而遊觀盡賓主之所求
登高墉以永望冀消日以忘憂欣陽春之潛潤樂時澤
之惠休望候雁之翔集想元鳥之來遊嗟征夫之長勤
睢處逸而懷愁懼天河之一迴沒我身乎長流豈吾鄉
之足顧戀祖宗之靈邱惟人生之忽過若鑿石之未耀

慕牛山之哀泣懼平仲之我笑折若華之翳日庶朱光
之長炤願寄軀於飛蓬乘陽風而遠飄亮吾志之不從
乃拊心以歎息青雲鬱以西翔飛鳥翻而上匿欲縱體
而從之哀予身之無翼天風隨其四起揚黃塵之冥冥
野獸驚以求羣草木紛其揚英見遊魚之涖潛感流波
之悲聲內紆曲而潛結心怛惕以中驚匪榮德之累身
恐年命之早零慕歸全之明義庶不忝乎所生 楊修
節遊賦曰爾乃息偃暇豫攜手同征遊乎北園以娛以
遲飲木皞之統氣樂乾坤之布靈誕煙熅之純和百卉
挺而滋生谷風習以順時撓百物而有成行中林以衍

徬玩奇樹之抽英或素華而雪明或紅彩而發楨綠葉
白蒂紫柯朱莖楊柳依依鍾龍蔚青灼灼以舒葩芳
馥馥以播馨嗟珍果之叢生每異類而絕形稟冲和以
固植信能實而先榮於是迴旋詳觀目周意倦御於方
舟載笑載言仰泝涼風俯濯纖腕極歡欣以從容乃升
車而來反 **增**梁沈約郊居賦爾乃傍窮野抵荒郊編
霜莼葺寒茅構棲噪之所集築町疇之所交因犯檐而
刊樹由妨基而剪巢決滄滂之汀澗塞井甃之淪切藝
芳枳於北渠樹修楊於南浦遷甍牖於蘭室同肩牆於
華堵織宿楚以成門籍外扉而爲戶旣取陰於庭樾又

委千金其如線試撫臆而爲言豈斯風之可扇將通人之遠旨非庸情之所見聊遷情而徙睇識方阜之歸津帶修汀於桂渚肇舉楫於強秦路縈吳而欵越塗被海而通閩懷三島以長念伊故鄉之可珍實愆期於晚歲非失步於方春何東川之瀾瀾獨流睇於吾人謬參賢於昔代亟從遊於茲所侍綵旌而齊轡陪龍舟而遵渚或列席而賦詩或班觴而宴語總惟一朝冥漠西陵忽其蔥楚望商飈而永歎每樂愷於斯觀始則鐘石鏘鉉終以魚龍瀾漫或升降有序或浮白無算貴則丙魏蕭曹親則梁武周且莫不共霜露而歆滅與風雲而消散

古香齋鑑類

卷三頁

人部 遊覽

四

睇東嚙以流目心悽惻而不怡蓋昔儲之舊苑實博望之餘基修林則表以桂樹列草則冠以芳芝風臺累翼月榭重栢千櫺捷業百栢相峙阜轅林駕蘭榭水嬉踰三齡而事往忽二紀以歷茲咸遺漫以蕩滌非古人之異時回余眸於良域覲高館於茲嶺雖混成以無跡實遺訓之可秉始餐霞而吐霧終凌虛而倒景駕雌蜺之連蜷泛天光之悠永指咸池而一息望瑤臺而高騁匪爽言以自誇冀神方之可請惟鍾巖之隱鬱表皇都而作峻蓋望秩之所宗含風雲而吐潤其爲狀也則巍峩崇翠喬枝拂日巽嶷岩壘墜石堆星岑崟岬或均或

平盤堅枕卧詭狀殊形孤磴橫插洞穴斜經千丈萬仞
三襲九成巨繞州邑款跨如坳素煙晚帶白霧晨常近
循則一巖異色遠望則百嶺俱青晚樹開花初英落蕊
或異林而分丹青乍因風而雜紅紫紫蓮夜發紅荷曉
舒輕風微動其芳襲余風騷屑於園樹月籠蓮於池竹
蔓長柯於簷桂發黃花於庭菊冰懸堦而帶坻雪鬱松
而被野鴨屯飛而不散雁高翔而欲下並時物之可懷
雖外來而非假寔情性之所留滯亦忘之而不能捨也
傷余情之頽暮惟憂患其相溢悲異軫而同歸歡殊方
而並失時復託情魚鳥歸閑蓬車旁闕吳娃前無趙瑟
以斯終老於焉消日惟以天地之恩不報書事之官靡
述徒重於高門之地不載於良史之筆長太息其何言
美愧心之非一 唐王勃遊廟山賦陟彼山阿積石峩
峩亭臯千里傷如之何啓松崖之密蔭攀桂岳之崇柯
隔浮埃於地絡披顯氣於天羅爾其緣巖分徑蒼岑對
室菌軒丹紉芝塲翠密俯泉石之清泠臨風颺之瑟瑟
仰紺臺而攜手望元都而容膝躡霞岡於玉砌步雲岳
於金壇懷妙童於真女想青螭及碧鸞情恍恍而將逸
心迴迴而未安見丹房之晚晦知紫洞之宵寒旣而霧
昏千障煙浮四野恨流俗之情多痛飛仙之術寡驅逸

思於方外踞高情於天下使蓬瀛可得而室焉何必懷
於此都也亂曰已矣哉吾誰欺林壑窪地煙霞失時託
宇宙兮無日俟鸞虬兮末期他鄉山水祇令人悲李
嶠楚望賦曰眇乎忽狹高山之顛露團團而濕草風烈
烈而鳴泉對蒼茫之寒日聽蕭索之悲蟬廓獨處而無
晤吾凝睇乎八埏於是繁懷載紆積慮未豁生遠情於
地表起遙恨於天末霜盡川長雲平野闊恨遊禱之浩
蕩憤羈怨之切怛若乃平原香兮千里春花香兮萬
里新迷故鄉之處所滅愛舊之聲塵願寄言而靡託思
假翼而無因徒極睇而盡思終天性而傷神或復天高

古香齋鑑類函

卷三頁

人部

遊覽

六

朔漠氣冷河關漢塞鴻度吳宮燕還對落葉之驅影怨
浮雲之慘顏爾乃永眺無見端居不聊愴歸軒之寂寂
傷遠客之悠悠月臨城曉風送邊秋唳鶴聞兮惘不寐
凝笳動兮此夜愁及夫寒野蕭條空山寂寥目鄢郢而
途渺指邯鄲而路遙傷永離兮浦曲訣遠送兮河橋眺
平蕪之漫漫瞻遠樹之迢迢仡然直視驗矣魂銷形將
槁木同植心與飛蓬共飄至如隴上從軍漢陽謫戍插
羽朝急要鞭夜赴黯黯寒雲蒼關樹甘埋影於異域
斃回首於歸路魂逝兮邑里目斷兮煙霧步將前而復
留望欲罷而還顧覩驚塵之歛起見征羽之將度泉石

愴而增咽行旅悲而失措亦有禱衣思婦織錦佳人看
粉黛兮無色視桃李兮非春君去兮遺無期安心兮私
自悲高臺四望眇無極天涯一去何盡時天涯兮綿綿
問道路兮將幾千朝朝暮暮綺窗前長懷此恨終永年
若夫羈旅失職之人放逐流離之客羌抱恨而誰訴魂
緘愁而不釋於是窮澤際天滄流拂漢屬柴悴兮時改
遇炎涼兮節換莫不瞻草木而孤絕向風烟而永歎故
夫望之爲體也使人慘悽伊鬱惆悵不平輿廢思慮震
蕩心靈固兮若有求而不致也張平若有待而不至也
悠悠揚揚似出天壤而涉雲莊逡逡巡巡若失其守而

直齋書目

類函

卷三頁

人部

遊覽

七

忘其真羣感方興衆念始并旣情招而思引亦自受而
心傾 劉禹錫楚望賦曰櫺軒之外羣山籠從岡陵靡
阨勢若相拱出雲覓怪窈蔚森聳夕露朝霞望如飛動
簷廡之下大江頤洞支流合輪泄入雲夢羲和望舒出
沒兩涯涵泳之族聲取噉呀秋水灌盈澌石飄沙流枳
軒昂舞於盤渦逮及收溘澹如醪醕白石磷磷倒影羅
生蘋末風起有文無聲悠遠煙綿與空蒼然湘沅之春
先合而行騰月寒盡温風發榮土膏如濡言鳥嚶嚶三
星曙其曉中植物飈以飄英雲歸高唐草破洞庭目與
天盡神將化并圓方相函遊氣杳冥熙熙藹藹藻飾羣

形杳樹同邱積空凝青瓊洲曲塘含景耀明恢台之氣
發於春季涉夏如鑠速秋愈熾土山焦熬止水漫沸翔
禽趾墮呀喙垂翅曦赫歛蒸陽極召陰二儀交精下上
相歆雲輿天際歛若車蓋凝矚未瞬彌漫霽雷驚雷若
火喬木糜碎般地蕪空萬夫皆廢懸雷縷緤日中見沫
移晷而收野無完塊少陰之中景物澄鮮丹葉星房燭
耀川原少月既望曜於丹泉上鏡下水前塵濯煙宿麗
潛芒獨行高躡明星方揚斜漢西懸璿柄如墮平沈層
闌雜啁晰而晨鳴兮日荏苒以騰晶動植瞭兮已分山
川鬱乎不平復人寰之誼卑沟浩浩以營營追向時之

真嘉篇鑑類函

卷言八

人部 遊覽

八

景光不可驟得以再更意華胥之夢還猶彷彿而馳精
曰次於房天未降霜百舟猶澤水泉收脉故道股削衍
爲廣斥水禽嬉戲引吭伸翮紛驚鳴而決起拾綵翬於
砂礫維時北風振槁揚埃蕭條邊聲與雁俱來寒氛委
積萬駭交激楚雲改容飛雨凝滴灑林遞響淅瀝梢槭
我處層軒日星迴還閱天數而視民風百態變見乎其
間非耳剽以臆說兮固幽求而縱觀觀物之餘遂觀我
生何廣覆與厚載豈有形而無情高莫高兮九閭遠莫
遠兮故園舟有楫兮車有轄江山坐兮不可越又安知
其所如悅臨高以觀物 又望賦邈不語兮臨風境自

外兮感從中明晦轉續兮八極鴻濛上下交氣兮羣生
異容發孤照於寸眸鷺遐情乎太空物乘化兮多象人
遇時兮不同嗟乎有目者必騁望以盡意當望者必緣
情以感時有待者瞿瞿忘懷者熙熙慮深者矐然若喪
樂極者冲然無違外徙倚其如一中紕紛兮若斯望如
何其望最樂晞慶霄兮迺阿閣如雲兮天顏咫尺如草
兮臣心踴躍扇交翟兮歲蕤旗升龍兮夔略日轉黃道
天開碧落凝瑞景於庭樹掬飛煙於殿幕望如何其望
且歡登灞岸兮見長安紛擾擾兮紅塵合鬱蔥蔥兮佳
氣盤池象漢兮昭回城依斗兮闌干避御史之駟馬逐
倖臣之金丸望如何其望攸好宗萬靈兮越四隩漢帝
仙臺兮秦皇海嶠霓裳踊於河上馬跡窮乎越徼紫氣
度關而斐虺神光屬天而照耀睨眷眷以馳精登尊專
而觀妙望如何其望有形視蠢蠢兮窮冥冥楚塞氛惡
兮蕭關燧明暈籠孤月兮角奮長庚沙長似雪磧有疑
城煙雲非女子之氣草木盡王者之兵審曳柴之虛警
破來騎之先聲信有得於風鳥示無言於旆旌望如何
其望且慕恩意隔兮年光度雕輦已辭兮金屋何處長
信草生兮長門日暮候翠華之儻來仰元天以自訴况
復湘水無遺漳河空注淚染枝葉香餘紈素風蕭蕭兮

北渚波煙漠漠兮西陵樹夫不歸兮江上石子可見兮
秦原墓拊琴翻胡塞之思挾瑟指邯鄲之路望如何其
望最傷侯環玦兮思帝鄉龍門不見兮雲霧蒼蒼喬木
何許兮山高水長春之氣兮悅萬族獨舍頓兮千里目
秋之景兮懸清光偏結憤兮九迴腸羨環拱於白榆惜
馳暉於落棠諒衝斗兮誰見伊戴盆兮何望豈止蘇武
在胡管寧浮海送飛鴻之滅沒附陰火之光彩鶴頸長
引烏頭未改恨已極兮平原空起何時兮東山在永望
如何傷懷孔多降將有依風之感宮人成憶月之歌歌
曰張衡側身愁思久王粲登樓日迴首不作渭濱垂釣

古香齋鑑類函 卷三頁 人部 遊覽

土

臣羞隨洛陽拜塵友 蕭穎士登政宜城賦曰升彼墟
兮遐眺荆江邈矚樊沔頽施以隱嶙欹缺而峻嶮野茫
茫其靡極何人戶之單妙帳青春兮始交又白日兮將
晚悲世事之艱阻慨征途之未返憑寒臯以盡目究林
莽之深淺煙迴起於殘瘵鳥羣飛於絕巘曾是感時而
戀舊孰不酸辛而僂俛倬夫峴首之爲嶺也峻隅百雉
危甍萬井森松篁之蒼蔚劃鄘街以周整前山縈依而
秀拔斜漢香映以清迴秔稊蔗橘雜荆衡之蓄桑麻黍
粟侔冀魏之境漢之盛也稱南國之冠蓋晉之衰也爲
北門之捍屏今方嶽之仁明惠久要於平生幸羈旅而

獲行旋載筆於戎旌陪後車於南紀儼四牡以專征歷
隕墉而訊諸乃楚鄢之遺城荆雲兮破虜朝雁兮差池
雲有翅兮雁有蹄嗟余行兮愴遲遲諒窮愁兮莫諉雖
九醞兮奚施白居易泛渭賦曰亭亭華山下有人跂
兮望兮愛彼三峰之白雲泛泛渭水上有舟沿兮泝兮
愛此百里之清流以我爲太平之人兮得於斯而優游
又感傷春之氣熙熙兮樂天和而不憂曰子生之幸兮
時哉時哉當皇唐受命之九葉兮夷與華而無氛埃及
皇帝繼位之二紀兮命高與鄭爲鹽梅二賢兮爰立四
門兮大開凡讀儒書與履儒行者率充賦而四來雖片
古香齋鑑類函卷三頁人部遊覽
藝而必收兮故不棄余之小才感再過於知己心慚忤
以徘徊登余名於太常兮署余職於蘭臺臺有蘭兮閣
有芸芳菲非兮其可襲備一官而無事又不維而不繫
家去省兮百里每三旬而一入川有渭兮山有華澹悠
悠兮其可賞目白雲兮漱清流且或偃而或仰門去渭
兮百步長一日而三往夜兮兮扣舷天無雲兮水無煙
遲遲兮明月波澹灑兮棹寅緣曰暮兮舟泊草萋萋兮
沙漠漠習習兮春風哢柳動兮渚花落發浩歎以長引
舉濁醪而緩酌春冉冉其將盡予何爲乎不樂鳥樂兮
雲際鳴嚶嚶兮飛翫喬魚樂兮泉底鬢撥撥兮尾漱漱

我樂兮聖代心融融兮神泄泄伊萬物各得其樂者由
賢聖之相契賢致聖於無爲聖致時於旣濟疑爲和兮
聚五福發爲春兮銷六沴不我後兮不我先適當我兮
生之世彼鱗蟲兮與羽族咸和樂而不知惠我爲人兮
最靈所以愧賢相而荷聖帝樂乎樂乎浴於渭兮詠而
歸聊逍遙以卒歲 又洛川晴望賦金商應律玉斗西
建加旬雨之時晴叶秋成而適願是用步閭里詢黎獻
皇風演溢歌且聽於昇平聖澤汪洋誦不聞於胥怨爾
乃命懿會朋執賦邛山眺洛邑天沈寥而雲靜氣肅
殺而風急三川浩浩以奔流雙闕戔戔而屹立飛梁徑
度訝殘虹之未銷翠瓦光凝驚宿雨之猶濕嘉三時之
是務觀五穀之斯入覽滌場之在勤知滯穗之見拾及
夫日色黯黯寒光熒熒遠水澄碧羣山結靑山水隱映
花氣氤冥瞻上陽之宮闕兮勝仙家之福庭望中嶽之
林嶺兮似天台之翠屏宜其迴鑾輿兮檢玉牒朝千官
兮御百靈使西賓之誇少弭東人之思攸寧不亦盛哉
客有感陽舒詠樂只揮毫翰獨徙倚願得採於芻蕘終
期拾乎青紫 周鍼登吳嶽賦曰吾嘗文戰將北羈遊
極西觀吳嶽之孤峭計羣山之莫齊由是邈崖谷遂攀
躋入雲霄出塵泥旣臻頂上用視天倪雁塞殊小峩嶠

甚低蓋以氣壯神扶雄標國祚揖白帝今不見抱皇城
而自固嵐光擁翠拓開霄漢之心岫色橫空鎖斷戎夷
之路喘噪旁竦豈甍上千碧草春含清風夏寒遙瞻魏
闕迴立煙巒疑超洞府謂在天壇中隱深溪日月之光
不到外連層阜龍蛇之勢斯蟠當其區宇正寧氛埃初
見覽造化之宏制識乾坤之設險汧水縈盈而線走隴
山崩施而螺掩西窺劔閣霜地表之千鐔東瞰蓬萊黛
波間之數點遐徵衆嶽式並隆崇彼皆受封於百代此
獨不視於三公森竚立以削成寧慚太華躡雲霧而化
出豈讓維嵩況乎萬仞凌虛千里倒影虎踞華裔鯨吞

百食齋鑑類函

卷三頁

人部

遊覽

三

虜境疊嶽攢壁迴巖列屏捍絕域以增隘固中原之甚
永直使以禮賓九有仁服八荒臂賢以爲輔弼宅道以
作封疆亦須假我嚴衛憑我巨防邇藩垣於都邑遠隔
闕於氏羌吾唐重其功崇其鎮爰升成德之號用補極
天之峻小臣是以竟日興感抽毫賦韻登詠畢兮嶽岑
捐長安而後進宋蘇軾前赤壁賦壬戌之秋七月旣
望蘇子與客泛舟遊於赤壁之下清風徐來水波不興
舉酒屬客誦明月之詩歌窈窕之章少焉月出於東山
之上徘徊於斗牛之間白露橫江水光接天縱一葦之
所如凌萬頃之茫然浩浩乎如馮虛御風而不知其所

止飄飄乎如遺世獨立羽化而登仙於是飲酒樂甚扣
舷而歌曰桂棹兮蘭槳擊空明兮泝流光渺渺兮予懷
望美人兮天一方客有吹洞簫者倚歌而和之其聲嗚
嗚然如怨如慕如泣如訴餘音嫋嫋不絕如縷舞幽壑
之潛蛟泣孤舟之嫠婦蘇子愀然正襟危坐而問客曰
何爲其然也客曰月明星稀烏鵲南飛此非曹孟德之
詩乎西望夏口東望武昌山川相繆鬱乎蒼蒼此非孟
德之困於周郎者乎方其破荊州下江陵順流而東也
舳艫千里旌旗蔽空醞酒臨江橫槊賦詩固一世之雄
也而今安在哉况吾與子漁樵於江渚之上侶魚鰕而
友麋鹿駕一葉之扁舟舉匏尊以相屬寄蜉蝣於天地
渺滄海之一粟哀吾生之須臾羨長江之無窮挾飛仙
以遨遊抱明月而長終知不可乎驟得託遺響於悲風
蘇子曰客亦知夫水與月乎逝者如斯而未嘗往也盈
虛者如彼而卒莫消長也蓋將自其變者而觀之則天
地曾不能以一瞬自其不變者而觀之則物與我皆無
盡也而又何羨乎且夫天地之間物各有主苟非吾之
所有雖一毫而莫取惟江上之清風與山間之明月耳
得之而爲聲目遇之而成色取之無窮用之不竭是造
物者之無盡藏也而吾與子之所共適客喜而笑洗盞

更酌肴核既盡杯盤狼籍相與枕藉乎舟中不知東方之既白 又後赤壁賦是歲十月之望步自雪堂將歸於臨臯二客從余過黃泥之坂霜露既降木葉盡脫人影在地仰見明月顧而樂之行歌相答已而歎曰有客無酒有酒無肴月白風清如此良夜何客曰今者薄暮舉網得魚巨口細鱗狀如松江之鱸顧安所得酒乎歸而謀諸婦婦曰我有斗酒藏之久矣以待子不時之須於是攜酒與魚復遊赤壁之下江流有聲斷岸千尺山高月小水落石出曾日月之幾何而江山不可復識矣子乃攝衣而上履巉巖披蒙茸踞虎豹登虬龍攀榭鶻之危巢俯馮夷之幽宮蓋二客不能從焉劃然長嘯草木震動山鳴谷應風起水涌子亦悄然而悲肅然而恐凜乎其不可留也反而登舟放乎中流聽其所止而休焉時夜將半四顧寂寥適有孤鶴橫江東來翅如車輪元裳編衣戛然長鳴掠予舟而西也須臾客去子亦就種夢一道士羽衣翩躚過臨臯之下揖子而言曰赤壁之遊樂乎問其姓名俛而不荅嗚呼噫嘻我知之矣疇昔之夜飛鳴而過我者非子也耶道士顧笑子亦驚寤開戶視之不見其處 元許有壬三臺賦歲癸未秋九月霜清寒薄天宇澄澈塗無長泥庭有積葉高陽子逸

興作呻畢輟趣膏林事登涉壺清露之芳醞從白翁之
佳客乃渡清洄稅駕乎鄴覽山川之形勝弔陳迹之未
滅客乃指顧而告曰子見夫三臺之截薛者乎水井峙
北金虎距南銅爵巖巖中立而三若稽作者振古所慙
幾曾幾杵成茲崔嵬子午梁貫愈出愈奇三山齧戴雙
闕鳳飛連夢複道相爲蔽虧累棟山積周軒雲齊陽宮
冬熙凌室夏凄審曲面勢有巧無遺衡漳浩浩乎其北
隆慮靡靡乎其西收千里於寸眸莖萬景於一時卷山
河而匪席指風霆其在頤應劉王徐倡酬詆咨登高作
賦家有陳思父子放志欲長若斯天道惡盈樂極則悲

古倉齋雜類

卷言八

人部

遊覽

六

鎖諸嬪於幽閨望西陵之莽蒼念舊寵而興悲抑茹怨
而自愴霜雁訴秋露花泣春宰木行拱几筵有塵哀絃
急管其聞不聞明陳獻章湖山雅趣賦丙戌之秋余
策杖自南海循庾闕而北涉彭蠡過匡廬之下復取道
蕭山沂桐江艤舟望天台峰入杭觀於西湖所過之地
盼高山之漠漠涉驚波之漫漫放浪形骸之外俯仰宇
宙之間當其境與心融時與意會悠然而適泰然而安
物我於是乎兩忘生死鳥得而相干亦一時之壯遊也
迨夫足涉橋門臂交羣彥撤百氏之籛離啓六經之關
鍵於焉優游於焉收斂靈臺洞虛一塵不染浮華盡剝

眞寔乃見鼓瑟鳴琴一回一點氣蘊春風之和心游太古之面其自得之樂亦無涯也出而觀夫通衢浮埃之濛濛游氣之冥冥俗物之茫茫人心之膠膠曾不足以獻其一晒而況於權爐大熾勢波滔天賓客慶集車馬駢填得志者揚揚驕人於白日失志者戚戚伺夜而乞隣若此者吾哀其爲人也嗟夫富貴非樂湖山爲樂湖山雖樂孰若自得者之無愧忤哉客有張璵者聞余言拂衣而起擊節而歌曰屈伸榮辱自去來外物於我何有哉爭如一笑解其縛脫羅人間有真樂余欲止而告之竟去不復還噫斯人天隨子之徒與振衣千仞岡濯足萬里流微斯人誰將與儔 費宏賜同遊西苑賦曰由禁門而西出兮望岌嶮之新宮煥金榜之門懸兮上輝映於層空殿錄書之無逸兮亭寫詩之幽風本姬錄之攸昌兮發至理於周公惟王業之草昧兮率肇迹於農功知民依在稼穡兮必軫念夫鰥窮仰吾皇之明哲兮躡堯舜之希蹤豈成王之可望兮乃自抑而謙沖取周公之訓戒兮獨閑闕於村農當八珍之前列兮念民腹之未充躬三推於帝籍兮畝望布而橫縱斂嘉穀於秋穫兮需御廩之常供最后妃以親蠶兮欲稍習於女紅線柔絲以成帛兮備祭服之紉縫以乃勤而處逸兮

惟慎始而圖終屬秋氣之平分兮日未昃而方中忽變
輿之時邁兮乘御天之飛龍環太液而周游度柳陰之
垂虹召微臣而同樂兮曳委佩而景從前黼座而造膝
兮聽玉音之雍雍諭締造之初意兮令寓月於西東荷
慰諭之拳拳兮勉匡輔而輸忠又觀於別殿兮步徙倚
而從容挹翠欄之芬郁兮賞錦檻之芳叢念微臣之與
此兮實千載之竒逢愧天恩之難報兮其何以仰副乎
宸衷祈雨暘之時若兮慶歲事之屢豐庶皇心寧而聖
體健兮荷百福之攸同瞻前星之輝輝兮協吉夢之罷
能歷年邁夏而逾周兮豈但媿盛於三宗

古香齋鑑類函

卷三頁

人部

遊覽

六

原歎晉石崇思歸歎登城隅兮臨長江極望無涯兮思
填曾魚灑漚兮鳥績翻澤雉遊裊兮戲中園秋風厲兮
鴻雁征蟋蟀嘈嘈兮晨夜鳴落葉飄兮枯枝竦百草零
兮覆畦壟時光逝兮年易盡感彼歲暮兮悵自愍廓羈
旅兮滯野都願御光風兮忽歸徂惟金石兮幽且清林
鬱茂兮芳草盈元泉流兮縈邱阜閣館蕭寥兮蔭叢柳
吹長笛兮彈五弦高歌凌雲兮樂餘年舒篇卷兮與聖
談釋冕投紱兮希彭聃超逍遙兮絕塵埃福亦不至兮
禍不來

增序唐王勃梓潼南江泛舟序咸亨二年六月癸巳梓

潼縣令韋君以清湛幽疑鎮流靖俗境內無事艤舟於江潭縱觀於邱壑渺然有山林陂澤之思遂長懷悠想周覽極聃思其人則臣望藉茅於磻溪之陰屈平製芰於沔陽之浦覺瀛州方丈森然在目於是閒以投壺讐以妙論亦有嘉穀旨酒鳴絃助笛以補尋幽之致焉

又遊冀州韓家園序銅溝水北石鼓山東星辰當畢昂之墟風俗是唐虞之國雖接燕分晉稱天子之舊都而向街當衢有高人之甲第祥風塞戶瑞氣冲庭芳酒滿而綠水春朗月閒而素琴薦家童埽地蕭條仲舉之園長者盈門廓落東平之室梧桐生霧楊柳搖風眺望而

古真齋鑑類圖

卷三頁

人部 遊覽

九

林泉有餘奔走而煙霞足用神龍起伏俱調鼎鑊之鳴滋鳳雌雄並入笙竽之奏高情壯思有抑揚天地之心雄筆竒才有鼓怒風雲之氣南庭興晚東徑陰生石髓拆而隱士歸玉山崩而野人醉王羲之之蘭亭五百餘年直至今人之賞石季倫之梓澤二十四友始得吾徒之遊陶陶然落落然則大唐調露之元年獻歲正月也

書漢李固與弟書固今年五十有七鬚髮已白所謂容身而遊滿腹而去周觀天下獨未見益州爾昔嚴夫子嘗言經有五涉其四川有九游其八欲類此矣

原魏應璩與滿公琰書徒恨宴樂始酣白日傾夕驪駒就

駕意不宜展追惟耿介迄於明發適欲遣責曾承來命
知諸君子復有漳渠之會西有伯陽之館北有曠野之
望高榭翳朝雲文禽蔽綠水沙塲夷敞清風肅穆是京
臺之樂也得無流而不反乎適有事務須自經營不獲
侍坐良增悵悵 又與從弟君胄書問者北遊嘉歎無
量登芒濟河曠若發蒙風伯埽涂雨師灑道按轡清路
周望山野亦既至止酌彼春酒接武茅茨涼過大厦膚
寸肴修味踰方丈逍遙陂塘之上吟詠菀柳之下結春
芳以崇瓊折若華以翳日弋下高雲之鳥餌出深淵之
魚蒲且讚善便嬾稱妙何其樂哉雖仲尼忘味於虞韶

袁粲爲鑑類

卷三頁

人部 遊覽

三

楚人流遊於京臺無以過也班嗣之書信不虛矣來還
京都塊然獨處營宅濱洛困於囂塵思樂汶上發於寤
寐昔伊尹輟耕鄧擘投竿思致君於有虞濟蒸民於塗
炭而吾方欲執耒於山陽沈緝於丹水知其不如古人
遠矣然山甫不貪天地之樂曾參不慕晉楚之富亦其
志也 **增**唐王績答馮子華書煙霞山水性之所適琴
歌酒賦不絕於時時遊人間出入郊郭暮春三月登於
北山松栢羣吟藤蘿翳景意甚樂之箕踞散髮與鳥獸
同羣醒不亂行醉不干物

增傳唐陸龜蒙甫里先生傳先生者不知何許人也入

見其耕於甫里故云性不喜與俗人交時乘一舟設蓬
席齋一束書囊筆牀釣具權船郎而已入謂之江湖
散人先生乃作江湖散人傳而歌之傳曰散人者散誕
之人也心散意散形散神散既無羈恨爲時怪民束於
禮樂者外之曰此散人也人或笑之先生曰退若不散
守名之筌進若不散執時之權筌可守耶權可執耶遂
爲散歌散詠以志其散 明鐵笛道人楊維禎自傳鐵
笛道人者會稽人初號梅花道人會稽有鐵崖山其高
百丈上有綠萼梅花數百植層樓出梅花積書數萬卷
是道人所居也泰定間以春秋經學擢進士第仕赤城

古臺齋淵鑑類函

卷三頁

人部 遊覽

三

今轉錢塘海鹽皆不信其素志輒棄官將妻子遊天目
山放於宛陵毘陵聞雪中雲間山水最清遠又自九龍
山涉太湖西泝大小雷之澤訪縹渺七十二峯東抵海
登小金山脫烏巾冠鐵葉冠服褐毛寬博手持笛一枝
自稱鐵笛道人 殷雲霄孫一元傳孫一元字太初關
中人常入終南山繼人太白山嚼草木居息大石崖下
時有所得赤脚散髮走山最高峰持古松根扣巨奇石
而爲歌歌曰餐蘭桂兮薜荔衣卧虎豹兮從蜺螭笑蒼
雲兮胡不歸又歌曰悲萬役兮焉終乘元氣兮游無窮
聊歸來兮山中自號太白山人云又嘗東入華南浮湘

漢登衡嶽祝融峰返嵩山渡汴謁闕里思孔子遺文依
依不忍去遂上表崇曰觀峰觀夜半日出滄海中發狂
大叫自以爲奇偉復南徑吳入越探會稽禹穴訪天台
石橋返遇石川殷雲霄於太湖語合意則渡楊子江來
訪雲霄東海上與登孤山矚海門月餘別去 王貫洞
庭漁人傳洞庭漁人者華容孫宜仲可也踰冠舉於鄉
凡五上而五困公車因罷不復應制而自以家洞庭更
號洞庭漁人既有家世祿羨盡斥爲園圃臺館亭榭之
屬購異書名畫古器寔其中而奇卉怪木環之素嗜酒
乃益釀酒客來過從者毋問貴賤輒留飲飲輒醉醉亦
不問客所嚮而其遇佳晨夕奉母兄從女弟燕游花竹
間怡怡如也漁人問攜其子斯億及諸生黎學元劉世
章輩游石門元頂諸湖山勝地遇羽人緇流能飲者卽
傾攜釀共之漁人旣自命漁又不爲衣冠時時與樵青
釣童狎亡異也 鷺池生傳鷺池生者姓朱氏名登春
字應元趙郡新河人生壯歲顛髮卽衰白因自號海翁
人業以海翁稱之晚居江陵之天鷺池更號鷺池生宋
氏故新河農家其先嘗累高貴生少失父母以亡嘗省
家益貧然性嗜酒家貧不能長得酒則時時發憤讀古
人書見前世結縵射書擊筮棄印諸賢豪急難奇節未

嘗不慷慨悲歌泣數行下也生始慕俠能挽強馳騎間
出其餘智爲小詩輒自喜不欲以示人又稍稍通繪事
師江夏吳偉鄰之父有頽而鬚者生戲爲之貌絕肖父
因勸生益習此可作生業何乃曰沈酣落魄里中也生
不應以是里中盡目爲狂生亡所知名年三十會一歲
閒妻子女五人俱相繼死生仰天歎曰咄嗟天乎將驅
我於埃壘之外乎遂屏家於其兄而自囊書遠遊至博
陵博陵有故所善客憐之餼之塾舍二年生默默不自
得意謝去去之京師曰跨一蹇驢行長安道中往來覓
詩方是時臨淄布衣謝榛以詩遊公卿間聲籍甚生聞

古齋齋鑑類

卷言八

人部 遊覽

三

得其詩唾之曰作詩何爲者而令七尺軀津津諛貴人
丐活耶居京師月餘亡所遇又去之渤海入兗州登嶧
山觀秦皇帝遺碑還居長白山一蕭寺出囊中故所貯
漢魏盛唐名家詩閉關揣摩如是者三年頗窺作者之
戶遂大放厥詞而於五言尤工眼駸駸白亡今人矣又
去而浮淮海渡楊子江登北固山以望金陵鍾山紫氣
過雲陽匍伏延陵季子祠下涉吳會訪錢塘天竺靈隱
諸峰已復走徐青歸新河數日又去出居庸循太行山
而西窮關陝澤潞諸邊塞其在井陘嘗居龍崗寺珥粟
磬矣寺僧厭苦之生曰僧無君我我試繪一小圖持至

市中當得粟已而果鬻粟五升伺粟不盡不更繪而市人爭欲得生繪則曰擔粟詣寺門相聒生不能堪乃避至城外一山樓已由棧道入西川遊峩首山迦巫巴下荆鄂將達於潯陽返於黃迂雲夢而北走大梁偶憩釣州酒肆而釣州有党中丞者得其所題酒肆中絕句詩強致之家留數月復自宛涉襄過京山生所跨驢蹶於唐氏之淖傾其囊中書曝之衢唐氏異生所爲要與之飲食歡相得也遂生唐氏一歲而行唐氏爲刻其詩傳荆郢間更贈生二童子卽生所呼爲丹砂白石者生挾二童子轉江陵登王粲樓讀其賦感首賢流寓地有終焉之志始生數年前嘗至江陵居城西開元觀故遼王奇其詩召謁便殿生久在遼王所絕不與用事者比遼王常召生遊別宮聲妓滿前他客或故爲調笑以悅遼王生第端坐竟日夜卽飲至大醉目不流睨遼王益敬憚生每見生輒爲斂容生之不及於難以此自遼王廢生不樂居江陵乃自攜少貲道遙七澤間最後又還江陵遍謝其故所往來人而斥二童子姑去乃自童髮爲頭陀不知其所之

增記明袁宏道西湖記虎林之西湖最盛爲春爲月一日之盛爲朝煙爲夕嵐每歲春雪甚盛梅花爲寒所勒

杏桃相次開發尤爲奇觀湖上由斷橋至蘇堤一帶綠
煙紅霧彌漫二十餘里歌吹爲風粉汗爲雨羅紈之盛
多於堤畔之草艷冶極矣然杭人遊湖止午未申三時
其實湖光染翠之工山嵐設色之妙皆在朝日始出夕
春未下始極其濃媚月景尤不可言花態柳情山容水
意別是一種趣味此樂留與山僧遊客受用安可爲俗
士道哉 又虎邱記虎邱去姑蘇城可七八里其山無
高巖邃壑獨以近城故簫鼓樓船無日無之凡月之夜
花之晨雪之夕遊人往來紛錯如織而中秋爲尤勝每
至是日傾城闔戶連臂而至衣冠士女下迨部屋莫不

古香齋鑑類

卷三八

人部 遊覽

五

靚妝麗服重茵累席置酒交衢間從千人石上至山中
櫛比如鱗檀板邱積構壘雪瀉遠而望之如雁落平沙
霞鋪江上雷輓電霍無得而狀布席之初唱者千百聲
若聚蚊不可辨識分曹部署競以歌喉相鬪雅俗旣陳
妍媸自別未幾而搖首頓足者得數十人而已已而明
月浮空石光如練一切瓦釜寂然停聲屬而和者纔三
四輩一簫一寸管一人緩板而歌竹肉相發清聲亮徹
聽者魂銷比至夜深月影橫斜若藻凌亂則簫板亦不
復用一夫登塲四座屏息音若細髮響徹雲際每度一
字幾盡一刻飛鳥爲之徘徊壯士聽而下淚矣劍泉深

不可測飛巖如削千頃雲得天池諸山作案巒壑競秀
最可觴客但過午則日光射人不堪久坐爾文昌閣亦
佳晚樹尤可觀面北平遠堂舊址空曠無際僅虞山一
點在望堂廢已久

懷舊一

原尚書人惟求舊器非求舊惟新 **卷**又古我先王亦
惟圖任舊人共政 又嘑其耆長舊有位人 又今沖
子嗣則無遺壽考 **原**毛詩序友賢不棄不遺故舊則
民德歸厚 論語故舊不遺則民不偷

懷舊二

古書續編類圖

卷三頁

八部 懷舊

三

原嵇康高士傳簡容有疾老子問之容曰子過故鄉而
下車知之乎老子曰非謂不忘故耶 左傳鄭子太叔
卒趙簡子為之臨甚哀曰黃父之會夫子語我九言
新序吳延陵季子使過徐徐君心欲得其寶劍弗忍言
季子心許之而未及與及還徐君已薨乃脫寶劍懸於
墓樹徐人奇之曰延陵季子不忘舊故脫于金之劍挂
邱樹 禮記孔子之衛遇舊館人之喪人而哭之哀出
使子貢說驂而賻之子貢曰於門人之喪未有所說驂
說驂於舊館無乃已重乎天子曰予鄉者入而哭之遇
於一哀而出涕子惡夫涕之無從也小子行之 漢書

高祖過沛置酒沛宮悉召故人父老曰遊子悲故鄉吾
雖都關中萬歲之後我魂魄猶思家沛 **音**又樂布爲

人畧賣於燕漢擊燕虜布彭越贖爲梁大夫使於齊未

反漢誅越梟首雒陽下詔有收視者輒捕之布還奏事

彭越頭下祠而哭之吏捕以聞上趣烹之布曰項王所

以不能遂西徒以彭王居梁地與漢合從苦楚也且孩

下之會微彭王項氏不亡天下已定漢一徵兵於梁彭

王病不行而疑以爲反臣恐功臣人人自危也請就烹

上乃釋布 **原**又張蒼秦時爲御史有罪亡歸及沛公

畧地過陽武蒼以客從攻南陽蒼坐法當斬解衣伏鎖

喜蒼爲鑑類 **卷三頁** 人部 懷舊 **三**

身長大肥白如瓠王陵乃言沛公赦勿斬蒼德王陵及

貴父事陵死蒼爲丞相洗沐常先朝陵夫人上食然

後敢歸家 又朱邑懷篤於故舊性公平不可交以私

音又云敞師事吳章平帝時王莽坐章要斬磔尸東

市門章爲名儒弟子千餘人皆更姓名從他師敞時爲

司徒掾自劾吳章弟子收抱章屍斂葬之 後漢書鄭

弘字巨君師同郡焦贛楚王英謀反發覺引贛贛被收

捕亡沒弘獨詣闕爲贛訟罪顯宗覺悟赦其家屬 又

廉范受業博士薛漢會漢坐楚王事誅故人門生莫敢

視范獨往收斂之吏以聞顯宗大怒召范入詰責問范

曰卿廉頗後耶與右將軍褒大司馬丹有屬乎范對曰
褒臣之曾祖丹臣之祖也帝曰怪卿志膽敢爾因問之

由是顯名原東觀漢記章帝幸東平祭東平王墓云

思其人到其鄉其處在其人亡皇甫謐高士傳徐穉

仁讓聞於天下黃瓊辟公府不請及瓊薨負笈徒步三

千餘里到瓊墓致酌晉季漢書賸習字元升京兆人

中平中仕郡公府辟舉高第與少府孔融親善曹操為

司空威德日盛而融書疏倨傲習常責融欲令改節融

不從會融被誅當時許中百官先與融親善者莫敢收

恤而習獨往撫而哭之文舉卿捨我死我當復與誰語

古書齋淵鑑類函卷三頁

入部 懷舊

三

者哀歎無已太祖聞之收習欲理之尋以其事直見原

黃初詔欲用之以其年老然嘉其敦舊有樂布之節拜

中散大夫又曹操引軍攻袁譚於南皮王修時運糧

在樂安聞譚急將所領兵及諸從事數十人往赴譚至

高密聞譚死下馬號哭曰無君焉歸遂詣操乞收葬譚

屍操欲觀修急默然不應修復曰受袁氏厚恩若得收

斂譚屍然後就戮無所恨操嘉其義聽之曹公既誅袁

譚梟其首令曰敢哭之者戮及妻子於是王叔治田子

泰相謂曰生受辟命亡而不哭非義也畏死忘義何以

立世遂造其首而哭之哀動三軍軍正自行其戮操曰

義士也赦之。晉書司馬昭收尚書王經誅之故吏向
雄哭之哀鍾會誅雄復收葬之昭聞召而責之曰往者
王經之死卿哭於東市而我不問今鍾會躬爲叛逆而
又輒收葬若復相容其如王法何雄曰王誅旣加於法
已備雄感義收葬教亦無闕何必使雄背死違生以立
於時殿下雖枯骨而捐之中野爲將來仁賢之資不亦
惜乎昭悅與宴談而遣之。吳均齊春秋明帝不豫南

康王琳於第賜死獨江秘守尸晝夜號泣悲動路人於
時諸王并見誅剪故舊無敢瞻者惟秘及衡陽王子浚
侍讀嚴植各爲營理喪事時人高其節秘字子清濟陽

古登齋鑑類

卷三頁

入部 懷舊

五

人也。陳書司馬高字文昇承聖中除太子庶子江陵
昭隨例入關而梁室屠戮太子瘞殯失所嵩以宗室乃
抗表周朝求還江陵改葬辭甚酸切周朝優詔答曰昔
主父從戮孔車有長者之風彭越就誅樂布得陪臣之
禮庶子鄉國已改猶懷送往之情始念忠貞方知臣道
卽敕荊州以禮安厝。北史魏神龜末清河王元懌領
太尉辟陽固從事中郎屬懌被害元又秉政朝野震竦
懌諸子及門生吏寮莫不慮禍隱避不出素爲懌者彌
不自安固以常被辟命遂獨詣喪所盡哀痛哭良久乃
還僕射游肇聞而歎曰雖樂布王脩無以尚也君子哉

若人 唐書李綱字文紀周齊王憲引爲參軍宣帝將
害憲召僚屬證其罪綱誓之以死終無撓詞及憲遇害
露重載屍而出故吏皆散惟綱撫棺痛哭躬自埋瘞哭
拜而去憲女孀居子立綱自以齊王故吏瞻恤厚甚及
綱卒其女被髮號哭如喪所生焉 又王方翼有友趙
持滿誅死屍諸道親戚莫敢視方翼往哭具禮收葬金
吾劾繫帝嘉之不罪 又徐晦進士擢第登直言極諫
授樂陽尉皆自楊憑所薦及憑得罪貶臨賀尉交親無
敢視送者獨晦送至藍田與憑言別故相權德輿與憑
交分最深知晦之行因謂曰今日送臨賀誠爲厚矣無

古香齋鑑類

卷三頁

人部 懷舊

三

乃爲累乎晦曰晦自布衣受楊公之眷方茲流播爭忍
無言而別如他日相公爲奸邪所譖失意於外安得與
相公輕別德輿嘉其真懇大稱之於朝不數日御史李
夷簡請爲監察晦曰夷簡曰生平不識公門公何取信
而見獎拔夷簡曰聞君送楊臨賀不顧犯難肯負國乎
由是知名 又韓愈少爲譴穎士子存所知自袁州還
過存廬山故居而諸子前死惟一女在爲經贍其家
孔帖唐李守德爲武衛將軍常遇故主於道主走避之
守德命左右迎之至第親土食奉酒主流汗不敢當數
日人奏曰臣蒙國恩過分而故主無寸祿請解已官授

之帝嘉其志擢其主爲郎將 范陽家誌宋盧多遜門
下士有種英蘇冠者平生最器重之被罪之後質客雲
散二人徒步送抵天津而還英後易名放卽明逸冠易
名易簡魁天下爲參知政事 宋史鄭伸客李崇矩門
下險詖無行因上書誣告陰事太祖釋不問崇矩子繼
昌性謹厚鄭伸蚤死其母嘗詣乞丐家人競前詎遂繼
昌召見與白金百兩時人稱之 又李廌謁蘇軾於黃
州贄文求知軾謂其筆墨瀾翻有飛沙走石之勢鄉舉
試禮部軾典貢舉遺之賦詩以自責軾與范祖禹謀將
同薦諸胡去國不果軾亡廌哭之慟中年絕進取意

百查齋鑑類函

卷三百八

人部 懷書

三

又鮮于侁元豐二年召對命知揚州蘇軾自湖州赴獄
親朋皆絕道揚侁往見臺使不許通或謂宜亟焚軾所
往來書文以避侁曰欺君負友吾不忍惟以忠義分譴
則所願也 又曾同與鄒浩友善皇后劉氏立浩將論
之密告回回力贊且曰移孝爲忠亦太夫人素志也浩
南遷人莫敢顧回斂交遊錢與治裝且慰其母 又朱
熹殺僞學禁方巖門生故舊至無送葬者辛棄疾爲文
往哭之 鴻書王鶚金正大元年進士第一人歷官尚
書左右司郎中金亡將被殺張柔聞其名救之館於保
州蒙古主在藩邸召對甚禮重之嘗因見請曰天兵克

蔡金圭自縊其奉御絳山焚葬汝水之傍禮爲舊君有服願往葬祭蒙古主義而許之至則爲河水所沒具牲醴爲位而哭 元史金履祥事同郡王栢從登何基之門何基王栢之喪履祥率其同門士以義制服觀者始知師弟之繫於常倫也 又元蔡子英館於儀曹忽一夜大哭不止人問之曰思舊主爾明祖知志不可奪送之出塞 明獻徵錄王祿字叔豐受業方孝孺孝孺之及於難也祿周旋其間又至聚寶門外求孝孺遺骸不得坐遠鬱文皇念其祖禱死國特宥免復購孝孺遺文爲侯城集以傳人感義之 又劉淵與荆王太傅李九

直齋齋鑑類例

卷三頁

八節 懷管

三

標相善有一女怪酒修好未聘亡何李死女之母亦死 湖告親友曰李君未許吾子吾猶當撫其孤女也矧言猶在耳乎遂迎女婚其子及李氏爭產太守汪以半子女餘分族人湖辭曰吾成盟爲義也若分其產豈不反吾初心乎太守義之不强也 又杜環好周人急交友常允恭死其母張無所歸就環環贍養十三年將死舉手同環曰吾累杜君環具殯殮買地葬之歲時常祭其墓 明詞林人物考余應舉字德甫與徐中行宗臣友善應舉擢福建按察副使至閩值臣理學政而中行守汀甚喜詩筒還往不絕俄而臣病且死矣無子應舉傷

之躬為祖含斂使其子裴經而受弔以其喪歸 又屠
應埃字文升與袁表聯名舉於鄉又同舉進士同讀書
中秘特相親暱武庫火表下詔獄罪且不測應埃旦夕
具壺餐潛餉遺獄中戍之日諸薦紳謂官校方偵邏其
敢送應埃獨匹馬出郊外握手別 又王世貞為刑部
主事楊繼盛抗章劾嚴嵩專權誤國下獄世貞訪之獄
中相共飲泣繼盛以其孤托之繼盛妻張氏上疏願以
身代疏草出世貞竄削及繼盛死東市世貞親為含斂
哭葬而遣一使護其喪歸世貞父司馬公忬在鎮聞之
亦搢擊魯嵩高聞而切齒日夜謀所以阱公父子逮忬

古香齋鑑類圖

卷三頁

入部

懷舊

三

懷舊三

原葬原仲

奉呂公

傳季友如陳葬原仲季友之舊也 漢婁護字君卿有故人呂公

無子歸護護身與呂公妻呂姬同食及寢居妻子頽厥護流涕責曰呂公以故舊老窮寄身於我義所當奉送

終身 漢宣帝既立霍光欲以

劍逐以許氏為皇后 韓詩外傳孔子遊於野聞婦哭於澤中問之曰對者耕亡吾舊符吾所以悲不忘故也

召伯甘棠

魏徵故笏

召伯巡行南國舍甘棠之下聽政後人思其德故愛其樹

而不忍傷也 唐史詔問魏徵五代孫暮書詔頗有存

此笏乃今 麥秀之歌 黍離之詠 箕子朝周過殷墟

之甘棠

麥秀之歌

黍離之詠

箕子朝周過殷墟

聞之什為流涕周既東遷大夫行役宗周見故宗廟官室盡為禾黍遂作黍離之詩湖周室之顛覆也

懷舊四

原久要論語久要不忘平生之言半面牛面之故不棄周公謂魯公曰故舊無大

故則不不慢周禮太宰以八統馭萬民二曰敬故謂不慢舊**記晴音**蘇

稟也詩寒登相對記晴音夜雨何特聽蕭瑟無消息又故人漸遠無消息古寺空來有姓名

錢塘如此又憶在錢塘正如此蠶市非故又蠶市光陰非故園

馬行燈火記當年

懷舊五

詩晉賈攄感舊詩富貴他人合貧賤親戚離廉蘭門

易軌田實相奪移晨風集茂林栖鳥去枯枝今我惟困

京冀鑑類圖卷三頁人部懷舊

蒙羣士皆背馳鄉人敦懿義濟濟陰光儀對賓頌有容

舉觴詠露斯臨樂何所歎素絲與路岐**原**齊謝朓懷

故人詩芳洲有杜若可以贈佳期望望忘迢遠何由見

所思我行未千里山川已間之離居方歲月故人不在

茲清風動簾夜孤月照牕時安得同攜手酌酒賦新詩

原梁昭明太子冥蘭思舊詩孝若明山信儒雅稽古

文敦淳茂洽到實俊朗文義縱橫陳佐公陸持方介才

學罕為鄰灌疏股共實溫雅摘藻每清新余非狎異者惟

舊且懷仁綢繆似河曲契闊等漳濱如何離災盡眇漠
同埃塵一起應劉念茲茲欲沾巾**原**梁沈約懷舊詩

元長秉奇調弱冠慕前蹤春言懷祖武一簣壘成峰途
艱行易跌命舛志難逢折風落迅羽流恨滿青松傷王

又詩曰吏部信才傑文鋒振音響諳與金石諧思遂

風雲上豈言陵霜質忽隨人事往尺璧爾何寬一旦同

邱壤傷謝朓又詩曰左率馥時譽秀出冠明僚聳茲干

仞氣振此百尋條蘊藉合文雅散朗溢風颺楸檟今已

合容範尚昭昭傷庾泉之又詩曰長史體間任坦蕩無外

求持身非詭遇應物有虛舟心從朋好盡形爲歡宴留

歡宴未終畢零落委山邱傷王又詩曰東南旣擅美

洛陽復稱才攜手同歡宴比迹共追陪事隨短秀落言

占香齋湘鑑類函卷三八 人部 懷舊 三

歸長夜臺傷庾又詩曰少府懷貞節忘軀濟所奉吏

道勤不息繁文長自擁旣闕優孟歌身沒誰爲寵傷李珪之

又詩曰韋叟識前載博物備戎華稅驂止營校淪跡

委泥沙始知庸聽局方悟大音賒傷章景猷又詩曰處和

無近累天然有勝質蕭瑟負高情耿介懷秋實義貫良

爲重蘭摧非所恤一罷平生言寧知攜手日傷劉又

詩曰豫州懷風範綽然標雅度處約志不渝接廣情無

忤頡頏事刀筆紛綸遞朱素美志同山河浮年逼朝露

傷胡唐蘇頌奉和姚令公溫湯舊館永懷古人虛

公之作樹德豈孤邁降神良並出偉茲廊廟楨詞彼豔

梅實正悅虞垂舉翻悲鄭僑卒同心不可忘交臂何爲
失清路荷前幸明時稱右弼曾聯野外遊尚記帷中密
新慟情莫遣舊游詞更述空令還和辱長感知音日

李白對酒憶賀監詩四明有狂客風流賀季真長安一
相見呼我謫仙人昔好杯中物今爲松下塵金龜換酒
處却憶淚沾巾 又詩曰狂客歸四明山陰道士迎敕
賜鏡湖水爲君臺沼榮人亡餘故宅空有荷花生念此
杳如夢淒然傷我情 又詩曰託蔭當樹李忘憂當樹
萱他日見張祿綈袍懷舊恩 杜甫懷舊詩地下蘇司

業親情獨有君那因喪亂後便有死生分老罷知明鏡

古意淵鑑類函

卷三頁八

人部 懷舊

三

悲來望白雲自從失詞伯不復更論文 韋應物張彭
州前與緱氏馮少府各惠寄一篇多故未答張已云沒
因追哀敘事兼遠簡馮生詩君昔掌文翰西域復石渠
朱衣乘白馬輝光照里閭余時忝南省接讌媿空虛一
別守茲郡蹉跎歲再除長懷關河表永日簡牘餘郡中
有方塘涼閣對紅葉金玉蒙遠貺篇詠見吹噓未答平
生意已沒九原居秋風吹寢門長慟涕漣如覆視絨中
字奄爲昔人書髮鬢已云白交友日彫疎馮生遠同恨
憔悴在田廬 柳宗元段九秀才處見亡友呂衡州書
迹詩交似平生意最親衡陽往事似分身袖中忽見三

行字拭淚相看是故人 劉禹錫徵還京師見舊番官
馮叔達詩前者匆匆僕馬行十年顛顛到京城南宮舊
史來相問何處淹留白髮生 李德裕漢州日夕遊房
公西湖詩丞相鳴琴地何年黯王徽偶因微月夕重敞
故樓扉桃李蹊空在芙蓉客暫依惟憐濟川楫長與夜
舟歸 又詩曰晚日臨安渚微風發櫂謳鳳城波自闊
魚水運難留亭古思宏棟川長憶濟舟想公高世志祇
似化城遊 孟郊李少府廳弔李元賓遺字詩雲落三
四字忽成千萬年那知冥寞客不有補亡篇斜月甲空
壁旅人難獨眠一生能幾時百慮來相前戚戚故交淚

古香齋鑑藝圖

卷三頁

人部 懷舊

三

幽幽長夜泉已矣難重言一言一潸然 韋莊饒州餘
干縣琵琶洲感舊詩琵琶洲水斗牛星鸞鳳曾於此放
情已覺地靈因昴降更聞川娟有珠生一灘紅樹留佳
氣萬古清絃續政聲戟戶盡移天上去里人空說舊簪
纓 宋孔武仲與陳董二君相會於真州經月甚樂詩
寄董陳君兼感存没平生交友半成塵想見當年樂會
支別淚茫茫添海水愁懷黯黯塞江雲青衫脫去誰同
老白首追隨尚有君官暇更將棋子學他時畫局當功
勳 王安石悼四明杜醇詩杜生四五十孝友稱鄉里
隱約不外求耕桑有妻子藜杖牧雞豚筠筒釣魴鯉歲

時沾酒歸亦不乏甘旨天涯一杯飯夙昔相逢喜談辭
足詩書篇詠又清泚都城問越客安否常在耳目未
渠央如何棄子死古風久凋零好學少爲已悲哉四明
山此士今已矣 李觀客有話故丁祕監京師舊宅因
而傷之詩曰等閒樂謝已愁聞況話三公極寵身青史
尚爲今世事朱門不是舊時人文章散入諸蕃口花藥
留添上國春生死交情渾易見有誰過此爲霑巾 程
俱九月七日夜夢王元規詰旦其弟元矩適相訪感而
作詩故人入幽夢彷彿平生懷心知九泉隔意象慘不
開哦詩不成章愀怳誰能裁曰此蕭爽士寧當沒黃埃

京臺備鑑類函

卷三百八

人部 懷舊

三

清晨客在門乃自烏衣來典刑見難弟共歎一息乖幽
明不可詰此夢何爲哉回觀南園道微徑已蒿萊 朱
熹拜張魏公墓下詩衡山何魏魏湘流亦湯湯我公獨
何往劍履在此堂念昔中興初孽豎倒冠裳公時首建
義自此扶三綱精忠貫宸極孤憤摩穹蒼元戎二十萬
一旦先啓行西征奠梁益南轅撫江湖土心旣豫附國
威亦張皇縞素吳新宮哀聲連萬方黯虜聞褫魄經營
久傍徨王帛驟往來土馬且伏藏公謀適不用拱手遷
南荒白首復來歸髮短丹心長拳拳冀感格汲汲勤修
攘天命竟難謀人事亦靡常悠然謝台鼎騎龍白雲鄉

坐令此空山名與日月彰千秋定軍壘岌業遙相望賤
子來歲陰列風振高岡下馬九頓首撫膺淚淋浪山頽
今幾年志士日慘傷陸游紹興辛未至丙子六年間
子年方壯每遇重九多與一時名士登高於戴山宇泰
閣距開禧丁卯六十年憂患契闊何所不有追數同遊
諸公乃無一人在者而予猶強健慘愴不能已賦詩識
之故里登高接雋遊卽今不計幾番秋一樽尚與菊花
醉萬事不禁江水流薄命雖多死間巷逢時亦有至公
侯若論耄歲朱顏在窮達皆當輸一籌劉克莊哭楊
吏部通老詩白首除郎已晚哉民間桑柘手親栽蓋棺
只著深衣去行李空檐語錄廻主祭遺孤猶未冠著書
殘藁漫成灰可憐薄命飄飄客虛事江西幕府來元
成廷珪吳中五日追念故友李時中李欽嗣有感而作
曰夢繞南岡北嶺雲一杯無計灑松筠世間我豈長貧
者地下君爲不死人夜雨自荒張祐宅秋風誰墮庾公
塵於今友道俱凋喪落日江湖淚滿巾東端維故人
別墅詩曰門徑無塵有綠苔東風落日舊曾來曰頭道
者今何在一樹櫻桃花自開趙半閒憶友人李雲南
詩送客出荆扉忽見青青草故人別經時恍隔千里道
千里固不遙咫尺夢難到孤鳥安朽株行雲在晴昊感

歎會無期坐念春風老 明李夢陽追舊寄徐子詩憶
昔相逢雪滿途遙憐爲客向江湖看碑定憶羊開府作
賦先投楚大夫日黑魚龍厯夢澤草青麋鹿上姑蘇空
回王軫思流水不得驪駒見故都 高攀龍七哀詩肅
肅秋風深漫漫秋夜長中夜百感集攝衣步空堂俯聽
蟲聲悲仰視明月光物色一如昨舊人何茫茫歲月日
以疎髮髯日以亡一朝成永訣于載空相望靜心易生
哀遺情難爲方願從夢中路抽身至其旁

增賦魏王粲思友賦登城隅之高觀忽臨下以翱翔行
遊目於林中視舊人之故場身既沒而不見餘迹存而

古香齋詩鑑類

卷三頁

人部 懷舊

早

未喪滄浪浩兮迴流波水石激兮揚素精夏木兮結莖
春鳥兮愁鳴平原兮泱泱綠草兮蘿生超長路兮逶迤
實舊人兮所經身既逝兮幽翳魂眇眇兮藏形 **原晉**

向秀思舊賦子與嵇康呂安居止接近其人並有不羈
之才嵇康志遠而疎呂安心曠而放其後各以事見法
嵇博綜技藝於絲竹特妙臨當就命顧視日影索琴而
彈之逝將西邁經其舊廬鄰人有吹笛者發聲寥亮追
想曩昔遊宴之好感音而歎故作賦云將命適於遠京
遂旋返而北徂濟黃河以汎舟經山陽之舊居踐二子
之遺迹歷窮巷之空廬惟古昔以懷人心徘徊以躊躕

棟宇存而弗毀形神逝其焉如昔李斯之受罪歎黃犬
而長吟悼嵇生之永辭顧日影而彈琴詩運過於際會
寄餘命於寸陰聽鳴笛之慷慨妙聲絕而復尋停駕言
而將邁遂援翰而瀉心 潘岳懷舊賦予十二而獲見
於父友東武戴侯楊君遂申之以婚姻而道元公嗣亦
隆世親之愛不幸短命父子凋殞予尋役於外不歷嵩
邱之山者九年於茲矣今而經焉慨然懷舊乃作賦曰
仰瞻歸雲俯鏡泉流前瞻太室旁眺嵩邱東武託焉建
塋啟疇巖巖雙表列列行楸予總角而獲見承戴侯之
清塵名子以國士眷予以嘉姻自祖考而隆好逮二子
以徂徊涕泣流而沾巾

梁江淹傷友人賦僕之神

交者有陳郡袁炳焉有逸才有妙賞博學多聞明敏而
識奇異僕以爲天下絕倫黯與秋草同折今不復見矣
乃爲辭曰泫然沾衣兮悲哀友之英秀轍四代而武昌
洎十葉而克茂友人之生川岫降明峻調迴韻惠志聰
情侗儻遠度寂寥靈素交攀淵卿史類遷固譬如冬雪
旣潔將似秋月至徹乃上代而少雙故叔世而曠絕弔
蕙若之斬芳勸琬琰之永闕披圖兮昭籍抽經兮閱史

共檢兮洛書同析兮河紀既思遊兮百說亦窮精兮萬
里愛詩文之綺發賞賦艷之錦起爾湘水兮深沈我前
山兮眇默惟音華與書酒伊楚越兮南北余結誼兮梁
門復從官兮朱藩何人遙而困阻而天道之匪存凋碧
玉之神樹銷紫石之靈根永遠書於江漣結深痛於爾
魂 唐岑參感舊賦參相門子五歲讀書九歲屬文十
五隱於嵩陽二十獻書闕下嘗自謂雲霄坐致青紫俯
拾金盡裘敝蹇而無成豈命之過與國家六葉吾門三
相矣江陵公爲中書令輔太宗鄧國公爲文昌右相輔
高宗汝南公爲侍中輔睿宗相承寵光繼出輔弼易曰
古者齋鑑類圖

卷三頁

人部 懷舊

聖

物不可以終泰故受之以否逮武后臨朝鄧國公由是
得罪先天下汝南公又得罪朱輪翠轂如夢中矣今王
道休明世業淪替猶欽若前德將施於後人參年三十
未及一命昔一何榮矣今一何悴矣直念昔者爲賦云
天命我唐始滅暴隋挺生江陵傑出輔時爲國之翰斯
文在茲一入麟閣三遷鳳池調元氣以無忒理蒼生而
不虧典絲言而作則聞綿蕤以成規捧堯日以雲從肩
舜風而草靡洋洋乎今問不已繼生鄧公世實須才盡
忠致君極武登台朱門復啟相府重開川換新檝義傳
舊梅何糾纏以相軋惡高門之禍來當其武后臨朝奸

臣竊命百川沸騰四國無政既破我室又壞我門上帝
憐憫莫知我寃泣賈誼於長沙痛屈平於湘沅天物極
則變感而遂通於是日光迴照於覆盆之下陽氣復煖
於寒谷之中上天悔禍贊我伯父爲邦之傑爲國之輔
又治陰陽更作霖雨伊廊廟之故事皆祖父之舊矩朱
門不改畫戟重新暮出黃閣朝趨紫宸繡轂照路玉珂
驚塵列親戚以高會沸歌鐘於上春無小無大皆爲縉
紳嗟乎一心弼諧多樹綱紀羣小見醜獨醒積毀鑠於
衆口病於十指由是我汝南公復得罪於天子當是時
也偏側崩波蒼黃反覆去鄉離土噓宗破族雲雨流離
百憂瀟瀟鑑類

卷三頁

人部 懷舊

星

江山放逐愁見蒼梧之雲泣盡湘潭之竹或投於黑齒
之野或竄於文身之俗嗚呼天不可問莫知其由何先
榮而後悴曷曩樂而今憂嗟予生之不造常恐墮其家
歎無負郭之數畝有嵩陽之一邱幸逢時主之好文不
學滄浪之垂釣我從東山獻書西周出入二郡蹉跎十
秋多遭脫輻累遇焚舟雪凍穿履塵縉弊裘嗟世俗之
其阻恐歲月之不留睠城闕以懷歸將欲返雲林之舊
遊 明王寵感舊賦正德辛未余師事林屋先生於包
山精舍凡再閱暑寒而退迄今庚辰八年於茲矣乃復
來山中作感舊賦紛余慕夫好修兮潛大道以遊神游

江河之浩淼兮悵欲渡而無津彼哲匠之魏峩兮揭日月於八垠折疏麻之瑤華兮將以贈夫斯人亟愴悅而仰鑽兮又靡知其所止紛蚪龍之下上兮尺蠖蜷旋於泥滓車旣始而馬煩兮阻山川而徒倚忽日月之我迺兮去冉冉而不已經疇昔之故居兮志歆憾而顙泚滌淹留以無成兮將復修吾初服佩長劔之陸離兮冠切雲而轟轟民生各有所樂兮放吾道於空谷吸朝霞以爲漿兮夕復殮於秋菊苟矩矱之猶存兮冀來者之可追吾令義和弭節兮將以窮乎我師路漫漫其阻修兮

禪吾生以求之亂曰駿斯皇莫子好也洵彼前修爲

古嘉淵鑑類函

卷三頁

八部 懷書

四

我導也海嶽嶄巖何當造也長夜漫漫志懣躁也矢心白日遭長道也

原銘周庾信思舊銘歲次攝提星居鶉首梁故觀寧侯

蕭永卒嗚呼哀哉人之戚也旣非金石所移士之悲也寧有春秋之異高臺已傾稷下有聞琴之泣壯士一去燕南有擊筑之悲項羽之晨起帳中李陵之徇徘徊路無假窮秋於時悲矣沉復魚飛武庫豫有棄甲之徵鳥伏狄泉先見橫流之兆星紀吳亡庚辰楚滅原隰載馳輾轅長往甲裳矣矣舡艣棄焉河流酸聚杞梓與檣櫟俱陳海淺蓬萊魚鼈共蛟龍並盡然香復道詎敘冤魂

載酒屬車寧消愁氣芝蘭蕭艾之愁形殊而並悴羽毛
鱗介之怨聲異而俱哀幕府昔開俊賢翹首爲羈終歲
門人謝焉及乎東首告辭西陵長往山陽車馬永別郊
門潁川賓客遙悲松路嵇叔夜之山廬尚多楊柳王子
猷之舊徑惟餘竹林王孫葬地方爲長樂之官烈七埋
魂卽是將軍之墓昔嘗歡宴風月留連追憶平生宛然
心目美酒酌焉猶思建業之水鳴琴在操終念華亭之
鶴重爲此別嗚呼甚哉麟亡星落月死珠傷餅磬疊恥
芝焚蕙歎所冀鐘沈德水聲出風雲劍沒豐城氣連牛
斗潏然思舊乃作銘曰風雲上慘舟壑潛移駸駸霜路
百香齋補鑑類函

卷三頁

人部 懷舊

壘

君子先危紀侯大去懷王不反玉樹長埋風流遂遠荀
卿故縣慶封餘邑萬里傷魂修門詎入城連武庫山枕
盧龍思歸道遠反葬無從徒留送雁空靡長松疇昔寵
貴慘舒語默託情嵇琴風雲相得有酒如灑終溫且克
朝陽落鳳大野傷麟佳城鬱鬱流寓於秦山陽相送惟
餘故人孀機發緯獨鶴孤鸞閨深夜靜風月俱寒生平
已矣懷故何期匣中絃斷鄰人笛悲昔爲幕府今成總
惟

原序梁元帝懷舊志序吾自北狩瑱臺東探禹穴觀瀟
廣陵面金湯之設險方舟宛委眺王笥之于霄臨水登

山命儔嘯侶中年承乏攝牧神州戚里英賢尚冠髦俊
蔭真長之弱柳觀茂弘之舞鶴清酒繼進甘果徐行長
安郡公爲其延譽扶風長者刷其羽毛於是駐伏熊迴
駟馬命鄒湛召王祥余顧而言曰斯樂難常誠有之矣
日月不居零露相半素車白馬往矣不追春華秋實懷
哉何已獨軫魂交情深宿草故備書爵里陳懷舊焉

書梁朱場致陳僕射徐陵求王琳首書

南史梁王琳舉義爲陳將

吳明徹所殺傳首建康縣之於市琳故吏朱場致書徐陵求琳首陵嘉其志節又明徹亦數夢琳求首並爲啟陳主而許之曰竊以典午將滅徐廣爲晉家遺老當塗已謝

馬孚稱魏室忠臣梁故建寧公琳輕身徇主以身許國

百齋齋淵鑑類函

卷三頁

人部 懷舊

吳

徒蘊包胥之念終邁長弘之雋致使身沒九泉頭行于
里身首異處封樹靡卜場早造末僚豫參下席降薛君
之吐握荷魏公之知遇是用沾巾雨袂痛可識之顏回
腸疾首切猶生之面伏惟聖恩博厚明詔爰發赦王經
之哭許田橫之葬場雖芻賤竊亦有心琳經蒞壽陽曾
游江右願歸彼境還修窀穸庶孤墳旣築或飛銜土之
鸞豐碑式樹時留墮淚之人近故舊王綰等已有論牒
仰蒙制議不遂所陳昔廉公告逝卽泐川而建瑩域叔
孫云亡仍芻陂而植楸楨由此言之抑有其例不使壽
春城下惟傳報葛之人滄洲島上獨有悲田之客昧死

陳祈伏待刑憲

恤孤一

書無弱孤有幼 禮記七年曰悼悼與耄雖有罪不加刑焉 又春饗孤子 又月令曰養幼少存諸孤 周禮司刺掌三赦一赦曰幼弱 大學上恤孤而民不倍 家語孔子曰恤孤則惠

恤孤二

史記晉趙朔爲屠岸賈攻滅有遺腹子朔夫人置兒袴中得脫朔客公孫杵臼程嬰取他人兒衣以文祿匿山中嬰謬曰吾知嬰兒所在諸將隨之杵臼謬曰趙氏

古香齋鑑類函

卷三頁

人部 恤孤

望

孤兒何罪請活之諸將殺杵臼與孤兒然真兒乃反在嬰匿十五年因韓厥立之是爲趙武程嬰自殺 越語勾踐命將免者以告生丈夫二壺酒一犬生女子二壺酒一豚生三人公與之母生二人公與之餼當室者死三年釋其政支子死三月釋其政必哭泣葬埋之如其子令孤子寡婦疾疢貧病者納宦其子勾踐載稻與脂於舟以行國之孺子之遊者無不饋也無不歡也必問其名 前漢何武傳李善字次孫南陽人本李元蒼頭元盡室瘞死惟孤兒續始生數旬而賞財巨萬諸奴欲謀續分其財善潛負續出亡隱瑕邱界中親自乳哺及

長訴叛奴於官悉殺之取邱令鍾離意上書以聞光武拜善及續並太子舍人後漢書任棠字季卿秦州人隱居授學有奇節太守龐參下車首謁之棠不與語但以薤一大本水一盃置戶屏間自抱兒孫伏戶下參沈思良久曰水者欲吾清也拔大本薤者欲吾擊強宗也抱兒當戶欲吾開門恤孤也歎息而還列女傳李文姬趙伯英妻李固女賢而有智聞父危泣曰李氏滅矣密與二兄謀豫藏弟燮項之郡收固三子二兄受害文姬乃告父門生王成曰君執義先公有古人之節今以六尺委君李氏存滅在此矣遂變服入徐而成賣下於

古嘉彌鑑類函

卷三

人部 恤孤

哭

市陰相往來比燮赦還文姬相對而慟因戒之曰先公正直爲漢忠臣雖死之日猶生之年慎勿以一言加梁氏聞者悲感三國志諸葛亮伐魏馬謖違亮節制敗於街亭亮揮淚而斬之遂收恤其子晉書紀瞻少與陸機兄弟親善及紀被誅瞻恤其家周至及嫁女資送同於所生又鄧攸遇賊步走擔其兒及弟之子度不兩全謂妻曰吾弟惟一子理不可絕當棄我兒後當有子妻泣從之其子朝棄暮及攸繫於樹而去後妻不復孕語曰天道無知使鄧伯道無兒魏書張普惠不營財業好有進舉敦於故舊冀州人侯堅固少時與共遊

學卓終其子長瑜普惠每於四時請祿無不減贍給其衣食 唐書桂州都督李洪節以清慎顯既沒其家賈珠太宗疑洪節實貪欲追坐舉者魏徵曰陛下過矣且今號清白不變者屈突通張道源通二子來調共一馬道源子不能自行審其清者不加恤疑其濁者罪所舉亦好善不篤矣 又孟簡性俊拔尚義早歲交友先沒者視其孤每厚於周卹議者以爲有前輩風 新唐書錢徽與薛正倫魏弘簡善二人前死徽恤其孤至婚嫁成立 又韓愈凡內外親若交友無後者爲嫁孤女而卹其家嫂鄭喪爲服期以報 唐書盧鈞爲嶺南節度

古書補鑑類四

卷三頁

人部

恤孤

男

使自貞元已來衣冠得罪流族嶺南者因物故子孫貧悴雖遇赦不能自還凡在封境鈞減俸錢爲營構積其家疾病死喪則爲之醫藥殮殮孤兒稚女爲之婚嫁凡數百家 宋史党進少給事魏帥杜重威子孫有貧困者進分俸給之士大夫或有愧焉 又陳希亮少與鄉人宋輔遊輔卒養其母以女妻其孤端平使同諸子學卒第進士 又王濟字巨川少時深州刺史念金鎖一見器之且託後於濟金鎖沒撫其子授官祿仕 又魏掞之嘗客衢守章傑所趙鼎謫死其子汾將喪過衢傑恨鼎又希秦檜意遣尉翁蒙之掩取鼎故舊簡贖蒙之

先告汾焚之一無所得傑怒治蒙之拘汾按之以書責
傑長揖徑歸 又嚴世期山陰人同里張邁三人妻子
各產子時歲饑愈慮不相存欲棄不舉世期聞之馳往
拯救分食解衣以贍其乏三子並得成長 又陳規嘗
爲女求從婢得一婦甚間雅怪而詢之乃雲夢張貢士
女也卽輟女奩嫁之 又元兵次近郊宋丞相吳堅賈
餘慶檄天下以城降家鉉翁獨不盟交天祥女弟坐兄
故繫奚官鉉翁傾橐贖出之以歸其兄壁 明獻徵孫
林興祖有雅度終日端坐人未嘗覓其疾言遽色事孤
姊如母訓育孤甥如子卒致有立其友張禮聞爲學政
死濱州子政孤弱不能歸與祖至廣西召與其子同學
業成厚贖遣歸後政亦致通顯

恤孤三

原置產業

封分邑

張喬字君嗣與楊恭善及恭早死遺孤未成人喬迎與分屋居事恭

再恭子長爲髮置產業使立門戶給恤故舊賑

行義至甚也 魏曹真字子丹少與邑人曹遵鄉人朱

請並事太祖二人早亡真乞分所食邑封遵六子

詔褒美各分邑封二人子爲闕內侯食邑百戶

妻子

撫遺孤

後漢朱輔同郡張堪素有名稱嘗於太學見暉重之接以友道把暉臂曰欲以

妻子相託堪卒妻子貧暉侯視張瞻之 魏崔琰

友人公孫方宋階早死琰撫其遺孤恩若已子

厚兄孤

教養虎子

篤厚 吳凌旣爲將軍有功卒二

子幼孫權收養宮中教讀書十日一乘轎

馬曾羣臣嘗曰統子出示之曰吾家虎子

山公撫猗

古香齋雜錄

卷三頁

人部 恤孤

至

紹 王成 匿李燮 嵇康臨刑謂子紹曰山公在汝不孤矣後簡薦爲秘書丞 李燮字德公固初下獄知禍不免乃命三子歸燮時十三姊危之遣隨父門生王成乃亡命徐州備酒家酒家知非常人也妻以女梁竇誅遇赦還里王成卒燮四時設位而哭之官河南尹

恤孤四

原字孤 字人孤

養之羽林號 羽林孤兒

託孤 可以託六尺之孤

給孤園 須達多長者常施孤獨於此園爲佛說法處

檀羽林兒 從軍死爭者之子孫

古香齋鑑類函

卷三頁

人部 恤孤

至

古香齋新刻袖珍淵鑑類函卷三百八

古香齋新刻袖珍淵鑑類函卷三百九

人部六十八 施惠 施饋 慶遺 慶賀

施惠一

釋周易見龍在田德施普也雲行雨施天下平也 **原**

又君子以施祿及下 又君子以哀多益寡稱物平施

又君子以振民育德 **釋**尚書大傳老而無妻謂之

鰥老而無夫謂之寡幼而無父謂之孤老而無子謂之

獨行而無資謂之乏居而無食謂之困此皆天下之至

悲哀而無告者故聖人在上君子在位能者任職必先

施此無使失職 **原**書用敷錫厥庶民 又先王子惠

古香齋淵鑑類函卷三百九 人部 施惠

困窮 **釋**又惠鮮鰥寡 **原**又散鹿臺之財發鉅橋之

粟大賚於四海而萬姓悅服 **釋**曲禮積而能散 周

禮鄉師以歲時巡國及野而賙萬人之羸阨以王命施

惠 又遣人掌其委積以待施惠 **原**左傳在禮家施

不及國 **釋**傳施取其厚斂從其薄 **原**論語以與爾

鄰里鄉黨 **釋**又君子惠而不費 又周有大賚善人

是富 **原**又子貢曰知有博施於民而能濟眾何如可

謂仁乎子曰何事於仁必也聖乎 **釋**孟子分人以財

謂之惠 荀大略樂分施而恥積藏 劉長卿詩傾家

共人費 蘇軾詩不辭毛粟施行自邱山積 又仰荷

天地德

施惠二

增左傳子西曰昔闔廬有國天有灾厲親巡孤寡而供其之困在軍熟食者分而後敢食 賈誼新書楚昭王當房而立愀然有寒色是日也出府衣裘以衣寒者出倉之粟以賑饑者二年吳襲郢當房賜者請還戰死

呂覽魯國之法魯人爲人臣妾於諸侯有能贖之者取其金於府子貢贖魯人於諸侯不受金子曰賜失之矣自今以往魯人不贖人也 列子衛端木叔者子貢之世也藉其先貨家累萬金奉養之餘先散之宗族次散

百查彌鑑類四

卷三見

人部 施惠

二

之邑里乃散之一國行年六十氣幹將衰棄其家事都散其庫藏珍寶車服妾媵一年之中盡焉及其病也無藥石之儲及其死也無埋葬之資一國之人受其施者相與賦而藏之反其子孫之財焉禽滑釐聞之曰端木叔狂人也辱其祖矣段干生聞之曰端木叔達人也德過其祖矣 史記范蠡之陶爲朱公十九年之中三致千金散與貧疏兄弟 戰國策馮驩貧乏爲孟嘗君客爲君收債於薛將行問市何物曰視吾家寡有者市之驩至薛諸負債者悉來合券訖悉焚之矯命以債賜諸民民稱萬歲還問何市而返驩曰奉君之命市君家寡

有者君之府藏盈集所寡有者義爾臣召諸債者合券而焚之市義而歸矣君曰諾先生休矣一又齊襄王立田單相之過淄有老人涉淄而寒出不能行單解裘而衣之王乃賜單牛酒召而揖於庭勞之布令求百姓之飢寒者收穀之使人聽於閭里聞大夫相與語曰單之愛人乃主之教也漢書吳楚反竇嬰爲大將軍賜金子斤嬰言哀益藥布諸名賢士在家者進之所賜金陳廊廡下軍吏通輒令財取爲用金無人家者又李廣歷七都太守前後四十年得賞賜輒分其麾下飲食與士卒共之家無餘財終不言生產事又蘇武爲右曹

百意齋鑑類函

卷三見

人部 施惠

三

典屬國所得賞賜盡以施與昆弟故人又疏廣與兄子受上疏乞骸骨上許之加賜黃金二十斤皇太子贈以五十斤既歸鄉里樂與鄉黨宗族共饗其賜於是族人悅服又樓護爲諫大夫使郡國護假貸多持幣帛至齊上書求上先人家因會宗族故人各以親疎與束帛一日散百金之費漢記梁商常云多藏厚亡爲子孫累每租奉及兩宮賞賜便置中門外未嘗入藏悉分與昆弟中外因年穀貴多有餓者輒令蒼頭以牛車致米鹽茶鐵於四城門與貧民不告其姓名又張儉資計差溫以百姓饑荒乃傾竭財產與邑里共之賴其存

者以百數

原後漢書烏援扶風茂陵人轉遊隴漢間

謂賓客曰丈夫爲志窮富益堅老當益壯因處田牧有牛馬羊數千頭穀萬斛既而歎曰凡殖貨財貴能施賑也否則守錢虜爾乃盡以盼昆弟故舊身衣羊裘皮袴

增

又王丹字仲回京兆人王莽時連徵不至家累千

金隱居養志務施周急 又崔駟學於太學而糧盡鄧

綈尉欲餽焉而未果李彥九歲以其父命往見衛尉曰

施不必豐期於救乏崔生臣父之執也不幸而貧公許

賑之有日矣嘉賤未至或欲豐之然後乃至之乎皆曰

家物少須租入是猶古人欲決河海以救牛蹄之類也

百宜齋鑑類函

卷三見

人部 施惠

四

鄧公曰諾 又趙溫字子恭爲京兆郡丞棄官去遭歲

大饑散家糧以賑窮餓所活萬餘人 又劉翊字子相

潁川人家世豐庶常能周施而不有其惠黃巾賊起郡

縣饑荒翊救給之絕者數百人又逢知故困餒於路不

忍委去因殺所駕牛以救之衆人止之翊曰視沒不救

非志也 又折像字伯式廣漢雒人父國有資財父卒

感多藏厚亡之義乃散金帛資產周施親疎自知亡日

召賓客飲食辭訣忽然而終 又廖扶逆知歲荒乃聚

穀數千斛悉用周給宗族姻親又殮葬遭疫死亡不能

自收者常居先人家側未曾入城市人因號北郭先生

又种暲字景伯父爲定陶合有財三十萬父卒暲皆以賑鄉里貧賤者其進趨名利者皆不與交通 又鄧

林字叔孫西羌反拜謁者屯田三輔臨發之日散千金之產分與兄弟甥舅親族各有差品 東觀漢記劉弘

收恤故舊無所失父所厚同郡郎中王臨年老貧乏弘常居業給足乞與衣裘輿馬施之 續漢書郭伋并州

牧徵爲太中大夫宅一區及帷帳錢穀仍輒散與宗親九族無遺餘 又肅宗崩廉范奔討敬陵時廬江郡掾

嚴麟奉章俱會於路麟乘小車塗馬死不能自進范愍然命從騎下馬與之不告而去麟事畢不知馬所歸

古齋孺鑑類

卷三

人部 施惠

五

乃沿路訪聞范名牽馬造門謝而歸之世服其義 又

張純節儉行義常分捐租奉貽卹宗親雖至匱而施與不怠 又伏湛字惠公更始元年拜爲平原太守遭倉

卒兵起莫不驚擾而湛獨安然教授謂妻子曰一穀不升國君撤膳今人皆飢奈何獨飽且食麤糲盡分奉祿

以賑活鄉里來客者百餘家 三輔決錄摯茂字子華以茂才爲郡法曹治財致大富悉散以分宗人先從貧

始以壽終 虞預會稽典錄駱俊字遠孝漢靈帝擢拜陳相汝南葛陂盜起四面受敵俊整厲吏人爲之保障

出倉見穀以贍貧乏 魏志楊俊字秀才以兵亂方起

而河內處四達之衝必爲戰場乃扶老幼去詣京密間
同行者百餘家俊賑濟貧乏通共有無宗族知故爲人
所略作奴僕者凡六家皆傾財贖之 吳志朱據字子
範吳郡人孫權遷建業拜左將軍封雲陽侯謙虛接士
輕財好施 三國司馬微人有臨蠶求簇者便與之自
乘其蠶或有難之者曰人不當求爾人已求拒之將慚
何有以財貨令人慙者也 晉書尚書令符雅爲人樂
施乞人填門嘗曰天下物何常吾今日富後日貧爾忽
一日不施則意不泰時人爲之語曰不爲權異富寧作
符雅貧 晉陽秋樊重假貸人間數百萬臨終遺令焚

古香齋鐘類

卷三

人部

施惠

六

削文契債家皆慙爭往償之諸子從教竟不受 晉中
興書應詹稚弱家富於財乃請宗中單貧者與共爲居
晉紀祖逖輕財好施每至諸田舍輒稱兄意散帛以
是嘉焉 葛洪神仙傳焦先曰日入山伐薪以布施

宋晝范叔孫少而仁厚周窮濟急鄉曲貴其行義無有
呼其名者 又劉凝之荊州年荒衡陽王義季慮其餓
餉錢千萬凝之大喜將錢至市門觀其饑色者悉分與
之俄頃立盡 又張進之歷郡五官主簿永寧安固二
縣領校尉家世富足經荒年散其財救贍鄉里遂以貧
聲全濟者甚多 又蕭惠開爲益州牧錄事參軍劉希

微假蜀人債將百萬爲債主所制未得俱還惠開甚恥
之輒之廢中有馬六十疋悉以與之償債其意趣不常
皆如此 陳書徐陵字孝穆性清簡無所營樹祿俸與
親族共之大建中食建昌邑邑戶送米至於水次陵親
戚有貧儻者皆令取之數日便盡陵家尋至乏絕府僚
怪而問之故陵云我有車牛衣裳可賣餘家可賣不

後魏書祖巖字洪山於固安縣世有積粟自延昌以來
北州頻經災儉巖兄弟傾家贍遺常見州郡徵租甚急
遂以家粟萬斛代輸聞者莫不嗟歎 隋書郭衍授瀛
州刺史遇秋霖其屬縣多漂沒民皆上高樹依大塚衍

古書齋鑑類函

卷三

人部 施惠

七

親備船楫并齋糧拯救之民多獲濟衍先開倉賑卹後
始奏聞上大善之 唐書李潘家富於財父卒親族吊
者有挈去不禁愈務散施不數年而貧年四十餘未仕
讀書揚州困於自給妻子怨尤之晏如也 又李暉賤
溫州長史攝行州事歲儉州有官粟數十萬斛欲行賑
救掾吏叩頭乞候上旨暉曰夫人一日不再食當死安
暇稟命若殺我一身活數千命利莫大焉開倉盡散之
以擅貸之罪飛章自劾天子嘉之答以優詔 新唐書
元德秀所得奉祿悉衣食人之孤遺者歲滿筭餘一練
駕柴車去愛陸渾佳山水乃定居不爲牆垣扁鑰家無

僕妾歲饑日或不爨嗜酒陶然彈琴以自娛人以酒肴從之不問賢鄙爲酣飲 又郭震字元振與薛稷趙彥同同爲太學生家嘗送資錢四十萬會有哀服者叩門自言五世未葬願假以治喪元振舉與之無少吝一不質名氏稷歎駭 五代史周馮道遇歲饑悉出所有以粥鄉里而退耕於野躬自負薪有荒其田不耕者潛爲之耕其人媿謝道殊不以爲德 宋史范仲淹妻子衣食僅自充推其奉以食四方從學之士置義莊以贍族人 天中記宋建中靖國中蘇軾自僱北歸卜居陽羨士人邵民瞻從學於軾爲軾買一宅爲緡五百坡傾囊僅能償之卜吉入居既得日矣夜行聞老嫗哭聲與邵推扉而入問嫗何爲哀傷至是嫗曰吾有一居相傳百年吾子不肖舉以售人吾今日遷徙百年舊居一旦訣別此所以泣也問其故居所在則軾所得者也因再三慰撫謂曰嫗不必深悲當以是居還嫗卽命取屋券對嫗焚之呼其子命翼曰迎母還舊居不索其直軾自是遂還昆陵不復買宅借顧塘橋孫氏居暫住焉 元史天歷二年關中大旱饑民相食特拜張養浩爲陝西行臺中丞旣聞命卽散其家之所有與鄉里貧乏者聞民間有殺子以奉母者爲之大慟出私錢以濟之 又至

大丁未浙東大祲戊申復無麥民相枕死宣慰同知脫
歡察議行賑荒之令斂富人錢一百五十萬給之至寧
海縣以餘錢二十五萬屬主簿胡長孺藏去乃行勞州
長孺察其有乾沒意悉散於民抱成案進曰錢在是矣
脫歡怒不敢問 明獻徵錄畢文德天順癸未學
士黃廷臣謫廣沒舟阻淮上不能歸巡撫主度以託文
德卽請館於家買地葬之市屋居其妻孥財物俾不失
所成化丙戌民饑孺子女者衆悉以善價收育立合券
約歲豐還之 又董建中按順天遣其妻子還獨留老
奴司戶毋敢私謁永平大水民漁以生權鬪奪之斷其
百登齋續編卷三見八部施惠

留孺有媼與其子哭於野建中行部見之卽劾闈曰奪
漁是無民也無民是無君也闈人懼而縊海葦潦漁之
利然後悉歸民 又戴驛有庠友趙宣家貧不克葬親
以所卜南郊壽域畀之又有范瓚以所居室質錢期滿
當徙驛慰留之曰吾寧不得居必不使汝老而無歸也
又丁廣友黃六窘於食造之廣大喜開樽飲罷未敢
言廣曰聞君缺食何不卽言隨載糧一車貽之自後稍
窘卽朋不待其告有孔景貧無所營廣造屋命挈家居
之景卒喪葬之費一力承之顧其妻子過於景在時
又梁洞奉命賑徐州饑民時蕭陽 縣民亦多饑者洞

亦欲賑之有司以未有命沮洞洞曰民皆王民可坐是
其死耶有罪吾自任之遂發粟賑濟多所全活事聞太
宗嘉之

施惠三

原為粥 衛國凶饑公叔文子為粥與國之餓者
以便宜輒出其所在粟布為糧

增公粟 義穀宋饑
作云將議罪鍾離意不罪之

可城子宰請於公出公粟以貸使大夫皆貸司城氏貸
而不書為人夫之無者貸 後漢黃香為魏郡年饑分
俸祿贍貧人豐富

原賜直 輸 漢成帝詔入穀
之家各出義穀

晉饒秦輸之粟自糶 **原良歌** 士歸左傳晏子曰齊
鍾四升為豆各自其四以登於釜釜十則鍾陳氏三量

皆登一焉鍾乃大矣以家量貸而以公量收之詩曰雖

古香齋鑑類四 卷三見 人部 施惠

無德於女式歌且舞陳氏之施民歌舞 **投醪** 挾
之矣 又曰樂懷子好施士多歸之

廣黃石公記昔良將用兵有饋一罈醪者使投之河令
剗將士迎流飲之夫 左傳楚子伐蕭甲公巫臣曰師

人多寒王巡三軍拊而勉之三軍之士皆如挾纊

原散軍糧 施父粟 舒仲應以袁術軍糧散給飢人術
全琮字子橫父柔使齋米數于斛到吳有所市琮皆散

施空船還父怒琮曰所市非急而士大夫有所市琮皆散
不及散郭父奇之後罷東郡還錢塘修祭壇臺鹿麀節

蓋權於舊里請會已人乎生知舊宗族六親施於孔子
餘萬本土

增眾母 續命田 日夫子亟言子產之
以為榮

惠也可得聞子子曰夫子產者猶眾人之母也食之不
能致之以其乘車濟多涉者蓋愛而無致也 齊書劉

善明懷民于懷珍族弟位徐州刺史鎮北將軍青州饑
荒人相食善明躬食餼粥開倉以救鄉里多獲金濟百

姓呼其家田 **原汲黯矯制** 鄧攸擅賑 漢河內傷水
為續命田 旱父子相食

汲黯以便宜持節發河內倉以救之及歸伏罪武帝賢而釋之晉郗倓為郡時擅開倉賑貧桓柔幼之

簞食與餓 俸錢贍貧晉趙宣子舍於驪桑見靈輒餓為簞食以與之 下第五倫事

務起人急 原賜豈獨受原結身衣服車馬總具妻子內因專

以賑施貧窮務起人之急 寇恂字子翼所得祿賜盡施朋友故人曰吾因士大夫致此豈可獨享耶時人稱其長者以為

貸不待報 與不宣惠使見飢人上表 請賒貸不待報貸之而行除名 梁高

有宰相器 字伯真載穀於門與貧餒者不宜已惠 莊子曰青青之歌

青麥之語 史記田常以大斗出貸小斗收齊人歌曰 麥生於陵陂生不

布施死何合珠為 **七十無不饋餽** 賞賜悉與親

族 宋公子鮑禮於國人年自七十以上無不饋餽也 實武得兩宮賞賜悉與親族及載穀糧於路以施民

家量貸公量收 九在外一在內上詳上民歌註 魏成食祿千鐘什

古香齋鑑類函 卷三見 人部 施惠 十一

九在外什 **恩不可忘潘元茂** 推財不疑張長思

王隱晉書潘最字元茂值年荒部曲之家健兒渠帥皆素與名共相率送迎道路所在為饋以供行資最隨

主人多少口率均分無有尊卑優劣若所賦已盡偶有不足則推已之分以周未遍父老頌之曰且富且貴有

南山之壽吾仍得與潘元茂又曰恩不可忘無如我潘

郎 崔鴻前涼錄張冲字長恩煬煌人散家財巨萬施之鄉閭時人誦曰 推財不疑張長思

施惠四

原濟物 齊則 聚民 財聚則民散 頌敘 頌秋敘 賜 賙

賜禮 匪頒 匪非也頒分也 時頒 頌周 及下 禮惠

下 惠下 又禮惠 臣無威福 書臣無作福 衆不懼

禮年雖大殺衆不惟懼注 隱民取食 民多取食焉隱 惟恐也謂上以法惠救之

民謂窮 周人尙施 貸而不書詳施惠 施而不德

困人 豐凶不時 聚斂有典 適時以權 救物惟

道 義由獨斷 惠必同沾 惠以救災 義而濟物

博施之人 專達之責 散以家貯 收其公利

情且涉私 美將歸下 苟徇便宜 則非專達 宜

哀榮色 無肆募言 分散者仁之施儒 愛施者

仁之端史記 原命未及於匪頒 罪寧逃於擅發 歲

凶諒可恤人 家施不應及國 賑廩郵攸雖見免官

開倉汲黯猶聞釋罪 積而能散誠謂發身仁者以

不仁者以 私不及公豈宜作福大夫不收公 毀家

紓難猶謂盡心 賑窮救災豈宜獲戾 所司以未有

君命何其速與 使者以苟利國家專之可也

施惠五

增銘漢崔瑗座右銘曰施人慎勿念受施慎勿忘 唐

劉禹錫高陵令碑銘曰噫淫水之透迤慨我公兮及我

私水無心兮人多僻錮上游兮乾我澤時逢理兮官得

材墨綬紫兮劉君來能愛人兮恤其隱心既公兮言既

盡劃新渠兮百畝流行龍蛇兮止膏油遵水式兮復田

制無荒區兮有良歲嚙劉君兮去翽翽遣我福兮牽我

腸紀成功兮鐫美石求信詞兮昭懿績

古香齋鑑類函 卷三見 人部 施惠 十一

施饋一

增詩陳饋八簋 禮記天子執醬而饋 論語齊人歸

女樂 **原**又陽貨欲見孔子孔子不見歸孔子豚 **增**

孟子君餽之粟則受之 又陳臻問曰前日於齊王餽

兼金一百而不受於宋餽七十鎰而受於薛餽五十鎰

而受孟子曰當在宋也辭曰餽驢當在薛也辭曰聞戒

故為兵餽之若於齊則未有處也 又其交也以道其

餽也以禮 又繆公之於子思也亟問亟餽鼎肉

施饋二

原左傳晉公子重耳及曹僖負羈之妻曰吾觀晉公子

古者為鑑類圖 卷三見 人部 施饋 三

從者皆足以相國公子必反其國若反其國必得志於

諸侯而誅無禮曹其首也子盍早自貳焉乃饋盤飧置

璧焉公子受飧反璧 **增**又叔鮒求貨於衛淫芻蕘者

衛人使屠伯饋叔向羹與一篋錦曰諸侯事晉未敢攜

貳況衛在君之宇下而敢有異志芻蕘者異於他日敢

請之叔向受羹反錦曰晉有羊舌鮒者賣貨無厭為此

役也子若以君命賜之其已密從之未退而禁之 孔

叢子季桓子以粟千鍾餼夫子受之而不辭既而以頒

門人之無者子貢曰季孫以夫子貧故致粟夫子受而

施人無乃非季孫之意乎子曰受人財不以成富與季

孫之惠於一人豈若惠數百之人哉 又衛公子友饋馬四乘於子思爲賓主之餼焉子思曰仍寄命以來度身以服衛之衣量腹以食衛之粟且朝夕受賜衣食已優無敢當車馬之貺禮雖有爵賜人不踰父兄今重違公子之盛指則有陷禮之愆若何公子曰友已言於君矣 又子思居貧其友有饋之粟者受一車馬或獻鎗酒束脩弗受或曰子取人粟而辭吾酒脯是辭少取多也子思曰仍不幸而貧於財至乃困乏將絕先人祀所以受粟爲周乏也酒脯則飲讌方乏於食而乃讌非義也吾豈以爲介哉 列子列子之齊中道而返遇伯昏

吾香齋鑑類

卷三

人部 施饋

古

晉人晉人曰奚方而反曰吾驚焉黑史驚曰吾食於十漿而五漿先饋伯昏晉人曰若是則汝何爲驚已曰夫漿人特爲食羹之貨多餘之贏漿人之饋我者非貴我贏也蓋貨我以自盈耳其爲利也薄其爲權也輕而猶若是而況萬乘之主身勞於國而智盡乎事彼將任我以事而效我以功吾是以驚也 西京雜記朱買臣爲會稽太守懷章綬至金亭而國人未知也所知錢勃見其曝露乃勞之曰得無罷乎遣以紈扇買臣至郡引爲上客 後漢卓茂爲密令人有言部亭長受其米肉遺茂問亭長從汝求乎人曰往遺之爾茂曰遺之而受何故坐耶 後漢書李恂

徵拜謁者領西域副校尉西域殷富多珍寶諸國侍子
及督使賈胡數遺匈奴宛馬金銀香罽之屬一無所
受 又王丹字仲回時京師大豪陳遵朋友喪親遵爲
護喪事賻練數百疋丹懷練一疋至喪主前出授之曰
如丹是練出自機杼遵有慙色 東觀漢記光祿勳杜
林與馬援鄉里親厚援南還時林馬適死援遣子將馬
一匹遺之曰朋友有車馬之餽可以備乏居數月林還
之 後漢書張奐爲將帥有勳名董卓慕之使其兄遺
練百疋奐惡卓爲人絕而不受 梁祚魏國統初太祖
過故人呂伯奢也曰暮道逢二人容貌威武太祖避路

古事類彙編

卷三

人部 施饋

五

二人笑曰觀君有奔懼之色何也太祖悉告之解佩刀
與之曰以此表吾丹心願三賢慎勿言 晉羊祜與吳
將陸抗相對使命交通抗稱祜之德量藥殺孔明不能
過抗嘗病祜饋之藥服之無疑心人多諫抗曰羊叔子
豈醜人者 世說晉王修齡貧乏陶胡奴爲烏程令送
米一船答曰王修齡飢自就謝仁祖索食不須陶胡奴
送米 又王戎父渾有令名官至涼州刺史渾薨所歷
九郡義故懷其德惠相率致賻數百萬戎悉不受由是
顯名 又范宣字子宣潔行廉約豫章太守韓伯遺絹
百匹不受減五十匹復不受至一匹終不受韓後與范

同載就車中裂一丈與范云人寧可使婦無禪耶范笑而受之 晉王述家貧來試宛陵令頗受饋遺而修家具王導使謂之曰名父之子不患無祿屈臨小縣甚不宜爾述答曰足自當止後屢居州郡清潔絕倫祿賜皆散之親故 王羲之食有一味之甘割而分之 晉紀瞻帖云自昨信來今又益貧無以將意粉二斗所謂物微意全者也 晉陶潛躬耕自資遂抱羸疾江州刺史檀道濟往候之潛僵卧瘠餒有曰矣道濟饋以梁肉麾而去之 宋書高陽許瑤之以綿一斤遺郭平原不受往反數十瑤之乃自往曰今歲過寒而建安綿好以此

古香齋鑑賞

卷三

人部 施饋

六

奉尊上爾平原乃拜而受之 齊書何點隱居不仕豫章王命駕造門點從後門逃去竟陵王子良曰豫章尚不屈非吾所敢議遺之嵇叔夜酒杯徐景山酒鎗以通意 范亨燕畫高祖少有大幅度畧傑出晉安北將軍張華鎮薊高祖童冠往見華曰君必爲命時之器匡時濟難者也脫所著幘簪遺之殷勤而別 崔鴻後燕錄王猛伐洛陽謂慕容垂曰吾將遂清東夏或爲東山之別見物思人卿將何以爲信垂以佩刀遺之 前秦錄慕容冲進逼長安苻堅遣使送錦袍一遺冲使者稱有詔古人兵交使在其間卿遠來莫創得無勞乎今送一

袍以明本懷朕於卿恩分如何而於一朝忽爲此變

後魏書西域厭達波斯諸國各因公使並遺任城王澄

駿馬一匹請付大僕以充國閑詔曰王廉貞之行有過

楚相可敷付殿以成君子大哉之美 唐書朱桃椎益

州成都人澹泊絕俗被裘曳索人莫能測其所爲長史

竇軌見之遺以衣服鹿帽鹿鞭逼署鄉正委之地不肯

服更結廬山中夏則羸冬緝木皮葉自蔽贈遺無所受

又裴休童時兄弟偕隱家墅晝講經夜著書有饋鹿

者諸生共薦之休不食曰疏食猶不足今一啖肉後何

以繼 又司空圖居中條山王官谷王重榮父子雅重

古畫齋鑑類 卷三見 八部 施饋 七

之數饋遺弗受常爲作碑贈絹數千圖置虞鄉市人得

取之一日盡 又韓思復家富有金玉未嘗負爲學舉

秀才高第襲祖封永淳中家益窶歲饑京兆杜瑾者以

百綾餉思復方併日食而綾完封不發 又陽城有里

人鄭倣欲葬親貧於人無得城知其然舉繖與之倣既

葬遠曰蒙君子之施願爲奴以償德城曰能同我爲學

乎倣泣謝卽教以書倣不能業城更徙遠阜使顧其習

學如初慙縊而死 唐有布衣張子路上書言李泌之

短德宗殺之謂泌曰朕皆得其誣妄且云卿受嚴震金

獅子百枚計價二萬貫朕料必是沙糖獅子山南地貧

何有許多金又家用一百箇金獅子作何物試使人
潛勘送沙糖使猶在城卿避嫌疑諸道寄茶及口味悉
皆拆開將入此賊遂敢誣罔故處之 唐書陸贄丁母
憂東歸洛陽寓居嵩山豐樂寺藩鎮賻贈及別陳餉遺
一無取與韋皇布衣時相善惟西川致遺奏而受之

唐崔從領鄜坊節度使竟項市羊馬類先遣帥守從獨
不取而厚慰待之自是羌人不敢犯境 唐郝處俊甫
十歲而孤故吏歸千緡贖之不受 宋太祖朝趙普爲
相車駕因出幸其第時吳越王俶方遣使致書及海物
十餅在廡下倉卒出迎未屏也上顧見問何物普以質

古香齋鑑纂

卷三見

八部 施饋

六

對上曰此海物必佳卽令啟之皆滿貯瓜子金普惶恐
頓首謝曰臣未發書實不知若知之當奏聞而却之上
笑曰但取之無慮彼謂國家事皆由汝書生耳因命謝
而受之 宋曹修古四御史之一也明道初因上言請
太后還政謫守興化卒於官郡僚及鄉之賢者相與率
錢十萬以贖其家修古有女始笄告其弟曰先人忠節
名聞天不今不幸直言謫死且君子不家於喪此錢決
不可受以免我先人全德哭而謝遣之送者固請覓一
錢不受 宋張正議與种世衡善及正議持父喪世衡
遣以汝州田十頃固辭不受使者在途而世衡已卒其

子以父命不復受致蕪廢者五十年元豐中郡守劉斐請以田給州學朝廷不許遂命還种氏宋陳師道初游京師踰年未嘗一至貴人門傳堯俞欲識之秦觀曰此人殆難致也知其貧懷金欲爲餽聽其論議敬畏不敢出宋岳飛家無姬侍吳玠遺名姝結驪飛曰主上宵旰豈大將安樂時耶元廉希憲行省荆南宋故官禮謁大府必廣致珍玩希憲拒之且語之曰汝等身仍故官或不次遷擢當念聖恩盡力報効鴻書元明善常副一蒙古大臣出使交趾瀕還國王贖以兼金蒙古受之明善獨不受國王曰彼使臣已受矣公何固辭曰

古登齋鑑類函

卷三見

人部 施饋

九

彼所以受者安小國之心我所以不受者全大國之體國王歎服元杜瑛字文玉其先霸州信安人金將亡瑛避地河南緱氏山中結合珪開府爲相瑛赴其聘遂家焉與良田千畝辭不受明詞林人物考吳訥字敏德永樂時巡按貴州還三司遣人以黃金百兩追送至夔府訥不敢封就題其上還之詩曰蕭蕭行李向東還要過前途最險灘若有賊私并土物任教沈在碧波間又桑悅字民懌邱濬嘗餽以狔項悅詣謝濬曰狔項美何如生固甘之否對曰使悅嘗尙方芍藥饌所不足甘而一狔項何如草具哉明獻徵錄陽春主簿徐均

至縣吏白應往視莫大老比曰何物大老吏白此洞主
均叱使來見不然且屠戮出雙劔示之大老恐懼至蒲
伏諭遣之值符符下問燧擊之獄均曰其人必來劫獄
備之大老二子果來莫敢前詰朝饋大瓜安石榴皆黃
金大珠也均庵出械繫大老身送之府中後府官受賕
調均攝陽江縣 又王敬臣廬居甚隘寄寓天王寺中
醫書易乘有饋餐者却之不已則書壁云不食嗟來食
寧為溝壑失其人乃止

施饋三

原請粟

與車

子華使於齊申子為其母請粟 後漢劉翊字子相旅有張季禮奔師喪遇寒

百香齋鑑

卷三

人部 施饋

三

毀頓帶道路翊以車與之不告姓名策馬而去季
禮意是翊也後請還車翊閉門辭行不與相見 指

困

餽鍾

吳齊肅字子敬不治家事以散財賑窮結士
為務周瑜為居巢長過肅并求資糧肅時有

兩困米各三千斛乃指一困與瑜瑜益知奇遂定僑札
之交 鄭子罕卒子展以子罕之命餽國人粟一鍾在
喪故假 戴魚 唐景雲中韋詵休日登樓見
父命也 人有所瘞藏者訪諸吏曰參

增瘞鹿

軍襄寬居也吏與偕來詵問狀曰寬居義不以苞苴汚
其家適有人以鹿為餉致而去不敢自欺故瘞之詵曉

魚入往 上虞郡經親故門名以一兩頭置門內而去
生麻 當歸 仲叔太原人王莽之世潔行不仕與周
嘗遺其生麻仲叔歎曰我欲省煩耳受而不食 吳志

生麻

大史慈字子義曹公聞其名遺慈書以篋封之發省無
所道而但 歸乘馬 遺食器 桓八歸以乘馬祭服五

貯當歸

歸乘馬

遺食器

桓八歸以乘馬祭服五

稱歸夫人魚軒

歸乘馬

遺食器

桓八歸以乘馬祭服五

產然饋遺不過食器注謂一盤食也

饋七牢

饋特

漢鄭莊性廉不治

豚秦穆公改館晉侯饋七牢焉昏禮白綸巾白

羽扇陳書賀德基少遊學京邑積年不歸衣資罄乏盛呼入寺門脫白綸巾贈之謂曰君方為重器不久貧齊書張

融字思光吳郡人祖禕父暢職年弱冠道士陸修靜以白鷺羽尾扇遺之曰此既異物以奉異人納

書半卷受酒一杯唐書有以書遺褚遂良者止納一

答曰審爾此為多矣更還其半又李素立為瀚海都

護夫人感其惠率馬牛以饋素立惟受其酒一杯餘悉

還驛統字君緒事嫡母謹時人多困乏統為飲食與之哀

母使分少其姊仁愛問知之曰何不告我乃以私粟與統并告

施也鄭縣尉罷秩東歸省母由壽州刺史張鑑有時名贊往

謂之鑑初不甚知留三日再見與語遂大稱賞請結忘

百香齋鑑類卷三見人部 施饋 主

年之契及辭遺錢百萬曰願備太夫人一日之膳贊不

納惟受新茶一串而已曰敢不承君厚意世說晉王

悅之少厲清操為吏部郎時鄰省有會同者遺之餅一

甌辭不受曰所費誠復小小然少來不欲當人之惠

與千里馬留二萬錢後漢書或問第五倫曰公有

馬者雖不受每三公有所選舉心不能忘而亦終不用

也豈謂無私乎宋書顏延之為始安郡經過日日造

陶潛每往必酣飲致醉臨去留二萬貂裘採桑 筍

錢與潛潛悉送酒家稍就取酒飲貂裘採桑 筍

金報土宋書王弘之徵為通直散騎常侍不就從兄敬

王徽於褒谷見秦王以金一笥遺蜀王報以禮大珠

物盡化為土秦王大怒臣下賀拜曰土者地也

一斛玉為一量蜀志宗預東聘吳孫權捉頂手涕泣

年長孤亦衰老恐不復相見遺以金珠一斛劉向列

仙傳安期先生時人皆言千歲公秦始皇請與語三月

夜賜金璧數千萬出阜鄉亭皆置去留書以赤

玉為一量為報曰後千歲求我於蓬萊山下

施饋四

贈私覲

韓宣子私覲鄭子產以玉與馬

嘉貺

左傳是季嘉貺於草莽也又張華詩是用感嘉

賦

餽歲蜀風俗歲晚餽人謂之餽歲

拜嘉

穆叔如晉晉侯享之全秦肆夏之三不拜

工歌文王之三又不拜工歌鹿鳴之三三拜對曰肆夏天子所以享元侯也使臣弗敢與聞文王兩君相見之樂臣弗敢及鹿鳴君所以嘉寡君也敢不拜嘉

意重

李白詩意重泰山輕

命輕

朱暉

為恩使命

渭陽贈

詩我送舅氏曰至渭陽何以贈之路車乘黃

齊眉餉

蘇軾詩不學劉伶獨自飲一壺往助齊眉餉

送銀盤

又詩知君欲寫長相憶更送銀盤尾鬣紅

分酥酒

又詩使君夜半分酥酒驚起妻孥一笑譁

原有嘉惠

楚王老有嘉惠

注恤

饋無束脩

朱邑為大司農無束脩之饋

市吏不受

歸翁歸為

市吏不受饋遺百賈畏之

亭長不坐

詳施饋二

原散與親故

郝惜字方回好

古查齋鑑類四

卷三見八部

施饋

三

聚斂積財千萬嘗開庫任其子起超好施一日散與親故悉盡後嘗有侍史主記所與客語問親戚居處客去已使人存謝獻遺其親戚者不敢稅人如稅人則以父兄之命又君子於有饋者不能見則不視其所饋注謂有疾不見則不納

遺其親戚

孟嘗君與客語屏風

相煦相濡莊子魚相煦以濕相濡以沫不如相忘於江湖

且發暮還

晉荀勗字道將

在兖州見朝政亂懼害每得珍物貽都下親貴去五百里恐不鮮美求得千里牛旦發暮還

厚往

薄來

註謂燕賜厚納貢薄

贈明月之珠和氏之璧黑狐之裘

戰國

策蘇秦說李兌抵掌而談兌送以明月之珠和氏之璧黑狐之裘黃金百鎰秦得以為用西入於秦

芻一束素絹一縷撲滿一枚

西京雜記公孫弘為國士所推上為賢良國人郵長

贈以云云

施饋五

增詩宋余靖端午日寄酒庶回都官詩曰龍舟爭快楚
江濱弔屈誰知特愴神家釀寄君須酌酤占今嫌見獨
醒人 蘇軾和錢安道寄惠建茶詩曰我官於南今幾
時嘗盡溪茶與山茗胸中似記故人面口不能言心自
省爲君細說我未暇試評其畧差可聽建溪所產雖不
同一一天與君子性森然可愛不可慢骨清肉膩和且
正雪花兩脚何足道墮過始知真味永縱復舌硬終可
綴汲黯少春寬饒猛草茶無賴空有名高者妖邪次頑
曠體輕雖復強浮泛性滯偏工嘔酸冷其間絕品豈不
佳張禹縱賢非骨鯁葵花玉韉不易致道路幽險隔雲

古齋齋鑑類函

卷三見

人部 施饋

三

嶺誰知使者來自西開緘益落收百餅嗅香嚼味本非
別透紙自覺光炯炯粃糠團鳳友小龍奴隸日注臣雙
井收藏愛情待佳客不敢包裹鑽權倖此詩有味君勿
傳空使時人怒生癭 又杜介送魚詩曰新年已賜黃
封酒舊老仍分頰尾魚陋巷關門負朝日小園除雪得
春蔬病妻起斫銀絲鱠稚子歡尋尺素書醉眼矇矓覓
歸路松江煙雨晚疎疎 韓駒謝人送鳳團及建茶詩
曰白髮前朝舊吏官風爐煮茗暮江寒蒼龍不復從天
下拭淚看君小鳳團 陳造謝兩知縣送鶯酒羊麪詩
曰僧樣齋厨水樣官饑憑脫粟食無罨不因同里兼同

姓肯念先生首藉盤 朱熹次韻謝劉仲行惠筍詩曰
誰寄寒林新劔筍開奩喜見白差差知君調我酸寒甚
不是封侯食肉姿 楊萬里謝唐德明惠筍詩曰高人
愛筍如愛玉忍口不餐要添竹云何又遣十輩來昏花
兩眼爲渠開販夫束縛向市賣外強中乾美安在錦紋
猶帶落花泥不論燒煮兩皆奇猪肝累人真可作以筍
累公端不惡 又以糟蟹洞庭甘送丁端叔端叔有詩
因和其韻斗州只解寄鶩毛鼎肉何曾饋百牢驅使木
奴供露顆催科郭索獻霜齋鄉封萬戶只名醉天作一
邱都是糟却被新詩太清絕喚將雪虐更風饕 又謝

古齋齋續類函

卷言兒

人部 施饋

五

親戚寄黃雀詩曰萬金家書寄中庭饋背仍題雙掩并
不知千里寄底物白泥紅印三十餅蟹餅淺染茱萸紫
心知親賓寄鄉味印泥未開出饑水印泥一開香撲鼻
江西山間黃羽衣純綿被體白如脂端能訪我荆溪曲
願借前籌酌鄴滌 戴復古謝史石窗送酒并茶詩曰
遣來二物應時須客子行厨用有餘午困政須茶料理
春愁全仗酒消除不勝歡喜拜嘉惠無限慙慙作謝書
君既有來何以報一牀蘄簟兩雀魚 方岳黃碎饌鱉
徐尉饌蝓蚌同至詩曰誰饌螯如徑尺盤更分鱉似惠
文冠麴生醉嚼玉五穀劔客生剝珠一簞我與爾元同

蠢勤寃故烹亦到踣躄不知南食詩何似待問昌黎老子看 明王世貞以吳絲酬李于鱗詩曰故人三徑新蓬蒿雁門太守徒爾勞斗酒風塵白日薄檄書海岱青天高念欲報之吳縞帶何以遺余秦復陶千秋衣被各無限世途往往稱絺袍

慶遺一

增周禮以致稍餼 列子小夫之智不離苞苴竿牘朱文公集以金珠爲脯醢以契券爲詩文

慶遺二

增琴操許由無杯器手掬水人以瓠瓢遺之由操飲訖

古香齋雜類四 卷三見 人部 施饋 慶遺 三五

挂於樹枝風吹樹動有歷歷聲以爲煩擾取捐之 孟子湯居亳與葛爲鄰葛伯放而不祀湯使遺之牛羊 韓子晉獻公欲伐虞虢乃遺之屈產之乘垂棘之璧女樂二人以縶其心而亂其政 左傳鄆陵之戰郤至三遇楚子之卒必下免胄而趨風楚子使工尹襄問之以弓曰方事之殷也有韎韋之附注君子也適見不穀而趨無乃傷乎郤至見客免胄承命 孔叢子孔子使宰予於楚楚昭王以安車蒙飾遺孔子宰子曰夫子無以此爲也臣竊見其貴義尙德清素好儉仕而有祿不以爲費不合則去退無郤心妻不服綵妾不衣帛車器不

彫馬不食粟道行則樂其治不行則樂其身臣知夫子
之不用此車 列子子列子窮容貌有飢色客有言之
鄭子陽者曰列禦寇有道之士也子陽遺之粟列子再
拜而辭孔子曰我則異於是無可無不可 說苑子思
居於衛緇袍而無裘二旬而九食田子方聞之使人遺
狐白之裘恐其不受因謂曰吾假人遂忘之吾與人也
如棄之子思辭而不受子方曰我有子無何故不受子
思曰彼聞之妄與不如遺棄物於溝壑極雖貧也不忍
以身爲溝壑是以不敢受也 史記公儀休相魯客有
遺相魚者相不受客曰聞君嗜魚何故不受相曰以嗜

古齋類鑑類目

卷三見

人部 慶遺

三

魚故不受也今爲相能自給魚今受魚而免誰復給我
魚者 漢書文帝賜趙佗書上褚五十衣中褚三十衣
遺王 高士傳漢閔仲叔隱居不仕好食猪肝安邑令
聞之令吏常給仲叔叔曰吾豈以口腹累人遂去安
邑之沛 班固集漢竇憲餉身所服物虎頭繡盤囊一
雙又遺身所服襪三具錯鏤鐵一 漢朱登爲東海相
遺張敞解髻敞答曰蘧伯玉受孔子之賜必以及其鄉
人做謹分斯貺於三老尊者曷敢獨享之 陳書姚
察爲吏部尙書有私門生送南布一端花練一匹察曰
吾所衣止是麻布蒲練此物於吾無用幸不煩此人遜

請祭厲色驅出 唐書韋貫之爲尚書右丞長安中爭

爲碑誌大官萃其門如市至有密競構致不由喪家是時裴均之子圖不朽於貫之遺縑萬匹請撰先銘貫之曰寧餓死不苟取 新唐書李愬帥魏博長慶初幽鎮亂殺田弘正朔素服以令軍曰魏人富庶而通於天化者田公力也衆皆哭又以玉帶寶劍遺牛元翼曰此劍吾先人嘗以剪大盜吾又以平蔡姦今鎮人逆天公宜用此夷之也元翼感動乃下令軍中勒兵以俟 宋石徂徠介爲舉子時讀書於南都時侍郎王濟聞其窮困因餉客授以盤飧却而不受曰今日固好明日如何

古香齋鑑類函

卷三見

八部 處遺

三

張九成字橫浦幼年處學正當苦寒衣食不備鄉里富人以糞衣爲送者亦却不受曰士處貧苦正是做工夫時節若不痛目節抑則貪慾心生廉恥喪矣工夫何在 劉秘書丞道原家極貧然一文不妄取於人冬寒歸自洛陽時無衣具司馬溫公以一二衣襪及一貂褥贖之固辭強之乃受及至潁川悉封以反溫公曰於光不受於他人肯受乎 野語宋秦檜嘗國四方餽遺日至方滋德帥廣東爲蠟炬以象香實其中遣駛卒持詣相府厚遣主藏吏期必達一日宴客吏曰燭盡適廣東方經畧送燭未敢啟乃取而用之俄而異香滿座察之

則自燭中出也亟命藏其餘枚數之適得四十九呼駛
卒問故則曰經畧專造此燭供獻僅五十條既成恐不
嘉試其二不敢以他燭充數秦大喜以為奉已之專也
待方益厚又鄭仲為蜀宣撫相府造格天閣畢工鄭書
適至遺鋪地衣一張秦命鋪閣上廣狹無尺寸差秦默
然不樂鄭竟失志至於得罪二公為計同一以見疑一
以見厚固有幸有不幸要不若守正之無悔吝也

慶遺三

原贈策

遺弓

晉人誘士會將行繞朝贈之以策凡遺人弓者張弓尚筋弛弓尚角

琴葛

苞苴

江都王建遺越餘閩侯錦帛閩侯亦遺琴葛苴葛今之布或曰細葛也禮凡以弓

百香齋雜類函

卷三見人部慶遺

天

劍苞苴簞筭筭問人者操以受命如使之容問猶遺也

一簞珠

兩梁冠

左傳越圓

吳越孟使楚隆使於吳王曰黃池之役君之先臣志父得承齊盟曰好惡同之今君在難無恤不敢憚勞非晉國之所能及也使陪臣敢展布之王拜稽首曰寡人不佞不能事越以為大夫憂拜命之辱與之一簞珠漢

皇甫規與劉司空賤曰明公至德任國憂世贈兩梁冠及鮪魚一雙服厚尊祝榮施甚私考叔遺

母方朔遺妻

韻考叔鄭伯賜之食舍肉曰小人有母未嘗君之羹請以遺之漢伏曰賜

從官肉朔割肉去上令朔自責曰受賜不待詔何無禮也拔劍割肉何壯也割之不多又何廉也歸遺細君又

何仁也上大笑曰使先生自責乃復自譽原雖微必喜後貴當酬百陶

荆州有奉遺者皆問所由若力所致雖微必喜慰賜三

倍若非禮得之即厲聲呵辱還其所饋入於是勤於農劉殷時人嘉其志行競以穀帛遺歸悉封留卒

之受而不謝云待後貴當相酬也乃厚贈羅含字君章父宰新塗後舍到縣縣人以含舊宰之子威致賂遺不拒及歸悉封留而去未

暉字文季太守阮况欲市其牛暉不從
懷璧為害

况卒暉乃厚贈日前者恐以財貨汚君
買絹反煩魏太祖徵華故賓客故人送行贈遺數百款

為之計眾乃知之各留其贈千寶與翟賜

船賣之買絹寄還本為惠反煩之益愧歎也

三具 繡履一兩魏武帝與彪書曰今贈足下青瑣牀

慶遺四

原贈佩詩雜佩以贈之 詒玖又詒我 彤管又貽我 瑱瑀

華楚辭折疏麻分理 遺珮又遺余珮 遺襟又遺余

沛 折芳馨又折芳馨 塞杜若將以遺分遠者

雙鯉魚古詩客從遠方 一端綺又客從遠方來 美

古香齋藏想四卷三見 人部 慶遺 无

人之貽詩非女之為 下女可詒楚辭及榮華之未落

采芳洲分杜若 將以遺分下女

慶遺五

增詩唐韓愈贈盧全詩曰先生結髮僧俗徒閉門不出

動一紀至今鄰僧乞米送僕忝縣令能不恥俸錢供給

公私餘時至薄少助祭祀勸參留守謁大尹言語纒及

輒掩耳 宋王禹偁送筇杖與劉濕然道士詩曰有客

遺竹杖九節共一枝鶴脰老更長龍骨乾且奇我問何

所來來從西南夷我年三十七血氣未全衰況在紫微

垣動為簪笏羈倚壁如長物歲月無所施寸心空愛惜

惜此來天涯忽承明主詔來謁太乙祠再見劉先生氣
貌清且羸持此以爲贈所謂得其宜少助橘童力好引
花鹿隨步月莫離手看山聊搗頤微物懶致書故作筇
竹詩 梅堯臣謝歐公贈絹詩曰昔公處貧我處困我
無金玉可助公今公旣貴我尙窘公有練帛周我窮古
來朋儕義亦小子真不顧顏淵空復聞韓孟最相善身
僕道路哀妻僮 又李審言遺酒詩曰大梁美酒斗千
錢欲飲嘗被饑窘煎經時一滴不入口漱齒費盡華池
泉時日靈昌兵吏至跪壺曾不候報笈赤泥圻封傾瓦
盎母妻共嘗婢流涎鄰家葡萄未結子引蔓垂過高牆

古香齋雜類函

卷三兒

人部 慶遠

三

巔當街買杏已黃熟獨堆百顆充盤筵老年牙疎不喜
肉況乃下箸無腥膻空腸易醉忽酩酊倒頭夢到上帝
前賜臣蒼龍跨入月不意正值姮娥眠無人來顧傍玉
兔便取作腊下九天拔毛爲筆筆如椽狂吟一場一百
篇其間長句寄東郡東郡太守終始賢切莫汲竭滑公
井留釀此醕時我傳 又答宣城張主簿遺雅山茶次
其韻詩曰昔觀唐人詩茶詠鴉山嘉鴉銜茶子生遂同
山名鴉重以初槍撰采之穿煙霞江南雖盛產處處無
此茶纖嫩如雀舌煎煮比露芽競收青蕩焙不重漉酒
紗顧渚亦頗近蒙頂來以遐雙井鷹撮瓜建溪春剝龍

日鑄弄香美天目猶稻麻吳人與越人各各相鬪誇傳
買費金帛愛貪無彝華甘苦不一致精麤還有差至珍
非貴多爲贈勿言些如何煩縣僚忽遺及我家雪貯雙
砂翼詩琢無玉瑕文字搜怪奇難於抱長蛇明珠滿紙
上刺齒不爲奢翫久手生胝窺久眼生花嘗聞茗消肉
應亦可破痕飲吸氣覺清賞重歎復嗟歎既不足吟
誦又豈加我今實強爲君莫笑我耶 又穎公遺碧霄
峰茗詩曰到山春已晚何更有新茶峰頂應多雨天寒
始發芽採時林狖靜蒸處石泉嘉持作衣囊祕分來五
柳家 又永叔內翰遺李大博家新生鴨腳詩曰北人

百香齋鑑類四

卷三見

人部 處遺

三

見鳴榔南人見胡桃識內不識外疑若橡栗鞞鴨脚類
綠李其名因葉高吾鄉宣城郡每以此爲勞種樹三十
年結子防山猱剝核手無膚持置官省曹今喜生都下
薦酒厭葡萄初問帝苑夸又復主第憂蠹蠹誰採掇玉
椀上金釐金釐文章宗分贈我已叨豈無異鄉感感此
微物遭一世走塵土鬢頰得霜毛 孔平仲朱君以建
昌霜橘見寄報以蛤蜊詩曰贈我以海昏清霜之橘報
君以淮南紫脣之蛤橘膚軟美中更甜蛤體堅頑口長
合閨花結子幸採摘沒水藏泥豈斷得二物同時有不
同賦形與性由天公請君下筇聊一飽莫索珠璣向此

中 又夢錫惠墨答以蜀茶詩曰墨者出自黑黑者墨
之宜所以陳元號聞之於退之近世工頗拙所巧惟見
欺摹成古鼎篆圖作革靴皮揮毫見慘淡色比突中煤
誰最蓄佳品鄭君真好竒贈我以所貴有不讓金犀堅
如雷公石端若大禹圭研磨出深黝落紙光陸離較之
囊中舊相去乃雲泥辱君此賜固已厚何以報之乏瓊
玖不如投君以嗜好君性嗜茶人罕有建谿龍鳳想厭
多越上槍旗不禁久我收蜀茗亦可飲得我峨眉高太
守人情或以少爲珍心若喜之當適口更憐此物來處
遠三峽驚波如雷卷江湖重覆千萬里淮海浩蕩漣漪

古香齋鑑類圖

卷三見

人部 慶遺

三

淺舍舟登陸尙相隨今以答君非不腆開緘碾潑試一
嘗尤稱君家銅葉盞 韓維答象之謝惠黃精詩曰仙
經著靈藥茲品上不刊服之歲月久衰羸及童顏巖居
有幽子乘時斲蒼山溪泉濯之潔秋陽暴而乾九蒸達
晨夜候火不敢安持之落城市誰復著眼看富貴異所
嗜口腹窮甘醜貧賤固不暇錐刀乃其干坐使至靈物
委棄同草菅惟君冲曠士敦然守高閑食之易爲力天
和中自完故以此爲饋其容幾一簞報我三百言浩浩
馳波瀾何以諭珍重如獲不死丹方當煩煥時把玩毛
骨寒他年靈氣成與子騷雙鸞 又象之以山藥見贈

詩曰龍山有游客贈藥滿筠籠葉漬沙泉碧苗分石竇
紅斲應侵曉露來喜及春風却笑丹砂遠辛勤勾漏翁

又襄柑分惠景仁以詩將之曰荊州解綬十經春迴
夢清林遠漢濱霜氣輕寒催紺實渚波餘潤作甘津僧
園採掇寧論數客路奔馳竟古新雪意垂收高會缺分
金聊助席間珍 又謝送妃子園荔枝詩曰年年驛使
走紅塵賁人驪宮色尙新妃子園名猶未改一籠丹實
寄閒人 王安石元珍以詩送綠石硯所謂玉堂新樣
者詩曰玉堂新樣世爭傳況以蠻溪綠石鐫嗟我長來
無異物愧君持贈有佳篇久埋瘴霧看猶濕一取春波

古查齋鑑類

卷三

人部 處道

三

洗更鮮遠與故人袍色似論心於此亦同堅 蘇軾揚
州以巾物寄少游詩曰鮮鯽年秘醞醪團臍紫蟹脂
滿腹後春尊苗滑如酥先社薑芽肥勝肉臍子疊鱗何
足道點綴盤餐亦時欲淮南風俗事餅罌方法相傳竟
留畜且同千里寄鷺毛何用孜孜飭麋鹿 又送牛尾
狸與徐使君時大雪詩曰風捲飛花自入帷一樽遙想
破愁眉泥深厭聽雞頭鷓酒淺欣嘗牛尾狸通印子魚
猶帶骨披綿黃雀謾多脂慙慙送去煩纖手爲我磨刀
削玉肌 又曩於長安陳漢卿家見吳道子畫佛碎爛
可惜其後十餘年復見之於鮮于子駿家則已裝褙完

好子駿以見遺作詩謝之貴入金多身復閒爭買書畫
不計錢已將鐵石充逸少更補朱繇爲道元煙薰屋漏
裝玉軸鹿皮蒼壁知誰賢吳生書佛本神授夢中化作
飛空僊覺來落筆不經意神妙獨到秋毫顛我昔長安
見此畫歎息至寶空潛然素絲斷續不忍見已作胡蝶
飛聯翩君能收拾爲補綴體質散落嗟神全志公髣髴
見刀尺修羅天女猶雄妍如觀老杜飛鳥語脫字欲補
知無緣問君乞得良有意欲將俗眼爲洗滌貴人一見
定羞作錦囊千紙何足捐不須更用博麻縷付與一炬
隨飛煙 沈與求次律兄餽魚魚不至而詩至頗類南

古香齋鑑類函

卷三見

人部 慶遺

三

海使君送酒輒成絕句憑虛公子騎鯨後烏有先生控
鯉初可是凡魚亦仙去空餘一紙腹中書 周必大胡
邦衡生日以詩送北苑八鈿日注二餅賀客稱觴滿冠
霞懸知酒湯正思茶尚書八餅分闔焙主簿雙餅揀越
芽妙手合調金鼎鉉清風穩到玉皇家明年敕使宣臺
餽莫忘幽人賦葉嘉 宋宣和中有鄧其姓者守關中
以牛酥百斤遺梁師成江子我端友伴牛酥行有客有
客官長安牛酥百斤手自煎倍道奔馳少帥府望塵且
欲迎歸軒守關呼語不必出已有人居第一先其多乃
復倍於此自顏顧視初怕然昨朝所獻雖第二桶以淳

漆麗且堅今君來遲數又少青紙封題難勝前持歸定
慙遼東豕努力明年起頭巾 陸游謝韓實之直閣送
燈詩曰玉作華星綴絳繩樓臺交映莫天澄東都父老
今誰在腸斷當時諫浙燈 又詩舊友年來不作疎華
燈乃肯寄蠅廬寧知此老蕭條甚二尺檠前正讀書

楊萬里謝胡子遠郎中惠蒲大韶墨報以龍涎心字香
詩曰墨家者流老蒲仙碧梧採花和麝煙華陽墨水煎
膠漆太陰元霜作肌骨龍尾磨饑飲鼠鬚落點髮几几
不如夷甫清瞳光敵日一見墨卿驚曰失後來夔州有
梁吳爾來豎州有吳老亦追時好得時名竟爲蒲生豎

古香齋鑑類函

卷三見

人部 慶遺

五

降旌吳墨往往元尙白梁墨濕濕稿黏壁南宮先生來
自西惠然贈我四元圭我無鵲返鸞回字我無金章玉
句子得君此贈端何似兀者得韓僧得髮安得玉案雙
鳴璫金刀繡段底物償送以龍涎心字香爲君興雲繞
明窗 又南海陶令曾送水沈報以雙井茶詩曰嶺外
書來謝故人梅花不寄寄爐熏辨香急試博山火兩袖
忽生南海雲再惹鬚眉清入骨縈盈窗几巧成文瓊瑤
作報那能辨雙井春風輟一斤 明李攀龍寄華從龍
比以魚橘見致詩曰多少人間事誰能便作書罷官君
更早謝客我何疎八月來吳橘三江下楚魚因風裁數

字一問子雲廬

慶賀一

增禮記玉藻士於大夫不承賀下大夫於上大夫承賀少儀有慶非君賜不賀 **原**昏禮昏禮不賀人之序也 **增**周禮春官大宗伯以賀慶之禮親異姓之國淮南子大慶成而燕雀相賀荀子慶者在堂弔者在門禍與福鄰莫知其門晉王彪之曰賀娶妻者是因酒食而有慶語愚謂無直相賀之禮而有禮貶其慶賀之義

慶賀二

百查齋鑑類函

卷三見

人部 慶賀

三

增左傳叔弓如晉賀虎祁也游吉相鄭伯以如晉亦賀虎祁也史趙見子太叔曰甚哉其相蒙也可弔也 **又**賀之子太叔曰若何弔也其非惟我賀將天下實賀戰國策蘇秦說齊王再拜仰而賀俯而弔齊王曰是何慶弔之相隨也史記單父人呂公善沛令避仇從之因家焉沛中豪吏聞令有重客皆往賀蕭何爲主吏主進令諸大夫曰進不滿千錢坐之堂下高祖爲亭長素易諸吏始曰賀錢萬實不持一錢謁入呂公大驚起迎之門又高祖使使拜蕭何爲相國益封爲相國衛諸君皆賀故秦東陵侯邵平獨弔謂何曰以淮陰新反有

疑君心夫置衛衛君非以寵君願讓封勿受悉以家財
佐軍何從其計上悅 後漢書蔡茂爲司徒初夢在大
殿極上有三穗禾跳取之得其中穗復失之主簿郭賀
慶曰大殿者宮府形象也極而有禾人臣上祿也取其
中穗中台之位於字禾失爲秩乃得祿秩也袞職有闕
君其補之旬日而徵乃辟賀爲掾 又劉表爲荊州牧
時驃騎將軍張濟自關中奔南陽因攻襄城中飛矢而
卒官屬皆賀表曰濟以窮來主人無禮至於交鋒此非
牧意牧受弔不受賀也使人納其聚衆聞之喜遂皆服
從 魏志郭淮奉使賀文帝踐祚而遇疾稽遲帝曰昔

古晉齊雜錄

卷三見

人部 慶賀

三

禹會諸侯於塗山防風後至便行大戮今溥天同慶而
卿最留遲何也對曰臣聞五帝先教道民以德夏后氏
衰始用刑辟今臣遭虞舜之世是以自知免於防風之
戮也帝悅 晉書荀勗自中書監遷尙書令甚溫有賀
者勗怒曰奪我鳳凰池諸君何賀耶 梁書呂僧珍生
子宋季雅往賀署函曰錢一千闌人少之不爲通強之
乃進僧珍疑其故親自啟發乃金錢也 唐書代宗誕
日諸道爭以侈麗奉獻常袞請却之代宗嘉納 唐岑
文本初拜中書令不受賀有憂色母問之答曰非勳非
舊貴重位高所以憂 筆談宋向敏中文簡除右僕射

詔下曰李昌武爲翰林學士當對真宗謂曰朕自卽位以來未嘗除僕射今日以命敏中門下賀客必多卿往觀之明日却來對勿言朕意也昌武侯丞相歸乃往見丞相方謝客門闌悄然無一人明日具以所見對上笑曰向敏中大耐官職名臣遺事宋王文正公且晚年官重每家人出賀立令止之因語其弟曰遭遇如此愈憂懼何可賀也公每有賜予見家人置於庭下乃瞑目而歎曰生民膏血安用許多雲齋廣錄宋錢穆父尹京府生日楊次公畫老子出關圖作詩獻曰秘藏函谷關中子來獻蓬萊閣上仙願得鬚眉如此老却教龜

古香齋鑑類

卷三見

人部 慶賀

三

鶴羨長年 宋陳恭公執中遇生日親族多獻老人星圖姪世修獨獻范蠡遊五湖圖公卽日納節 倦遊錄宋尤祿卿鞏申善事權貴王荆公生日以大籠貯雀鴿造相府以獻指笏開籠取雀鴿一一放之每一放卽齒祝曰願相公一百二十歲謂之放生故東坡詩云記得金籠放雪衣 玉局文宋元符三年十二月十九日東坡生日置酒赤壁下酒酣笛聲起江上使人問之卽進士李委聞坡生日作鶴南飛曲以獻奏曲嘹唳有穿雲裂石之聲

慶賀三

原取妻

生子

賀取妻者曰聞于有客使某修賀
生里中持牛酒相賀及兩家子長相愛里中喜
兩家親相善了同日牛壯又相愛復賀兩家也
虛

有弟

壯馳茲拜口敢賀簡子曰未應吾問何賀對曰
臣聞之國家之將興也君自以為不及其亡也若有餘
今主任晉國之政而問及小人又求賢人吾是以賀
會稽典錄鄭憲字孝章與孔融結為兄弟因升堂見觀
自為壽以賀母母曰何賀憲曰昔有憲憲今有弟國
家所賴是

災藏臺

燒北澤 韓詩外傳晉平公之時
皆趨車馳馬救火公子晏子獨東向而賀曰皇天降災
於寶臺是君之福也 晉子齊之北澤燒火光照堂下
管于入賀桓公曰吾田野辟農夫必有百
倍之利矣是歲和稅九月而其粟又美

兩鹿隨

晏子見公探雀鷃弱而反之晏子遂巡再拜賀
淮陰太守行春曰鹿挾轂而行主簿黃國拜
賀曰聞三公車輻盡作鹿明府必為宰相

古套鷓鴣類

金三見 人剖慶賀
三

劉備死

東觀漢記朱鮪傳鮪破上大喜諸將賀之懇
皆賀以嘗為 魏志袁奩傳時有傳劉備死羣臣
備舉吏樹不賀

增八千歲

一萬春 莊子楚之南百
歲為春五百歲為秋上古有大椿者以入千歲為春八
千歲為秋 杜甫詩興王會靜妖氛氣聖壽宜過一萬
春

原為費不賀

增孟董同賀 左傳楚子玉治兵於
國老皆賀子文為賈後至不賀曰不知所賀子王過三
百乘不能以入苟入而賀何後之有一馬援軍還故人
多迎勞平陵人孟董名有謀於座賀
援接曰吾望子有善言反同眾人也

慶賀四

原相隨 慶弔相隨詳
上慶賀二

必有

易積善之家
必有餘慶

賀得地

呂氏
春秋世之人主得地百里則喜四境皆賀
得士則不喜不知相賀不通乎輕重也
天子適諸侯曰巡狩入其疆土地辟田野
治養老尊賢後傑在位則有慶慶以地
日始長 王

慶以地

孟
子

日始長

王

家訓賀冬至言曰至

君道長漢雜事冬至易氣起君

冬至而始長故歡喜

璇璣改度王肅家訓正為慶福惟新又云

故不賀歲首璇璣改度

大端慶又云尊長皆當先朝而後

福惟新又云尊長皆當先朝而後

後弔前兩子比寒父得駿馬人皆賀之父曰詎知不

及第相慶天寶道事新進士每及第大夏相歡詩

而相歡大夏備壺觴盈門劉禹錫曰姻族賀聲盈耳柳宗

問里相賀韓愈詩問里閉相賀灑然相賀孟孔

握手相賀歸來見親戚還鄉慶喜歐陽修詩還鄉

喜握手柳弔賀問井邑上堂多

慶賀五

古登齋齋鑑類函卷三見入部慶賀

詩唐白居易同夢得寄賀東西川二楊尚書詩曰龍

節對持真可愛雁行相接更堪誇兩川風景同三月千

里江山屬一家魯衛定知連氣色潘楊亦覺有光華應

憐洛下分司件冷宴閑遊老看花又喜錢左丞再除

華州以詩用賀曰左轄輟中臺門東委上才彤襜經宿

到絳帳及春開民望懇難奪天心慈易廻那知不隔歲

重借寇恂來又與諸同年賀座主侍郎新拜太常同

宴蕭尚書書子詩曰窈新卿典禮會盛客徵文不失遷

鶯侶因成賀燕羣池臺晴間雪冠蓋暮和雲共仰曾攀

處年深柱尚薰又聞李六景像自河東令授唐劍行

軍司馬以詩賀之曰誰能淮上靜風波聞道河東應此
科不獨文詞供奉記定將譚笑解兵戈泥埤劔戟終難
久水借蛟龍可在多四十著緝軍司馬男兒官職未蹉
跎 韓愈桃林夜賀晉公詩曰西來騎火照山紅夜宿
桃林脫月中手把命珪兼相印一時重疊賞元功 宋
王禹偁賀畢翰林新入詩曰閒步花磚喜復悲所悲君
較十年遲銀臺曉入批丹詔銅鏡秋開鑷曰髭宮錦細
袍宣與著內閑驕馬賜來騎家門記得咸通事莫忘論
兵夜召時 又賀柴舍人新入西掖詩曰早折蟾宮第
一枝綸闈恩命若何遲久爲俗吏殊無味合掌王言亦

古查篇鑑類四 卷三見 人部 慶賀 聖

有時好繼忠州文最盛應嫌長慶格猶卑他年莫忘中
吳宰六里山前歌紫芝 又詩曰唐虞得良弼姬孔是
前身尼邱鍾骨路嵩岳與精神 徐鉉賀殷游二舍人
入翰林江給事拜中丞詩曰清晨待漏獨徘徊霄漢懸
心不易栽閣老深嚴歸翰苑夕郎威望拜霜臺青綾對
覆蓬蓋晚赤棒前驅道路開猶有西垣廳記在莫忘同
草紫泥來 朱熹壽母生朝詩曰秋風蕭爽天氣涼此
日何日升斯堂堂中老人壽而康紅顏綠鬢雙瞳方家
貧兒癡但深藏五年不出門庭荒竈墜十日九不煬豈
辨甘脆陳壺觴低頭包羞汗如漿老人此心久已忘一

笑謂汝庸何傷人間榮耀豈可常惟有道義思無疆勉
勵汝節彌堅剛嘉前再拜謝阿娘自古作善天降祥但
願年年似今日老萊母子俱徜徉 楊萬里冬至節後
賀皇太子及平陽郡主詩曰長樂鐘聲遠夢驚建章星
影照人行千宮燈語聽殘點一夜霜寒在五更金鑰玉
匙開北闕銀鞍絲控謁東明青宮朱邸環天極五色祥
雲覆帝城 又賀皇太子九月四日生辰詩曰繼昭姿
天縱分陰學日勤橘中招綺夏瓜處屏徑文老別魚竿
月來依鶴禁雲還將古爲鑑聊當野人芹 又中元前
賀余處恭尚書晴雨沛然霑足詩曰數點飄聲供晚晴

古香齋鑑類

卷三

人部 慶賀

星

二更傾瀉到天明雷驅雲氣如旋磨雨徧山邨却入城
簾面頓無秋後暑詹牙最愛夢中聲尚書幸有爲霖手
偏灑江東作麼生 汪元量和人賀楊僕射致仕詩曰
蓮府公卿拜後塵手持優詔挂朱輪從軍幕下三千客
聞禮庭中七十人飾帳麗詞推北卷畫堂清樂掩南鄰
豈同王謝山陰會空敘流杯醉暮春

增賦明李東陽燒丹竈賦曰壽封庶子徐公七十龍集
載戊星杓指甲玉濯薦爽金飈汎塵南州封君當弧懸
之且綃夢之辰翠織蔥籠平霧膈瑤環雜選平雲茵野
饋庭篚山蕞海珍有一羽客霓裳繡裾其容徐徐其步

輿與手并一器委諸坐隅封君曰此物奚形而焉取名胡爲而至吾庭也容曰昔者燧人鑽火神農制藥軒轅鑄器工倕操作是掇是斲爰夷爰敷乃采青邱之黝購雞山之鴈掘海隅之楮靡蔥嶺之璽漬膏聞之涅剛上申之硃探石髓於神峰泥盎漿於帝壑擢玉榮於崧山擣沙礫於盧莫眇窮殊磳鉅撮碌碀旌旗填陶坩掄埴燦璞斡旋蟻磨定柱鼈足外隆內霑下承上覆其形則非脯非鬻不獻不飮匪澗以塗匪黜以黜弗薛而髻弗厥而唐羶不浣於羊彘膏不沾於莛膳易牙之所不能用歐冶之所不得取與藏乎唐成之室神授乎安期之手

古查淵鑑類函

卷三見

人部 慶賀

聖

吾儕致私持以爲壽封君曰竈則然矣何名爲丹其方孰傳效孰與宣操以貺我又安用焉客曰其用則鍊日者月納坤藏乾妙奪物性潛移化權其物則姪女嬰兒皓虎蒼龍儕分耦合會乎其中其法則濟之以離坎養之以屯蒙液華池以爲漿開泥丸以爲封羯火爲之銷怪山夔爲之斂蹤乃酌赤泉咀藥木圭霞實以爲殮七神樓以爲服蓋有翼靈氛於兩肘睫倒影於雙矚者矣封君輒然而笑曰有是哉惟厥有始賦形受氣五行爲經三事爲利膏液刀七鍼磨砭熨攻衰爲防輔正爲衛有一缺者是謂弗備若夫鶴算龜齡龐眉皓首不窮而

瘥不色而瘁固有幽冥握其機衝漠司其割制者也
吾將以大塊爲鼎元氣爲爐陰陽爲水火寒暑爲朝晡
作息爲抽添之候弛張爲闔闢之符咀仁義以爲華嘷
道德以爲腴樂余生以自適聽吾命之所如諒茲物之
足珍與斯言之匪誣亦聊以資張華之物博助鄒衍之
談餘望賓階而再拜韞我匱而藏諸客亦起而拜曰不
腆做物以實華宇公旣受貺亦復受祐願公益壽永錫
純嘏維百千禱爲丹竈主 明盧柟壽成臯王賦梁孝
王讌賓兔園相如在位王授簡於相如曰寡人壽願爲
我賦之相如避席再拜曰唯唯夫壽天地之希齡大王

百登齋鑑類函

卷三見

人部 慶賀

壽

知壽然未聞王之壽大庶人之壽小也王曰庶人之壽
何如對曰庶人几夥品類各異若夫奇商巨賈征成之
客劇工浮游田父跼踖黃冠元牝緇衣閒適每遇誕期
佳思聿興殺酒矜設招致友生纏藻匪施淫碧無傾帷
幔起兮露色寒琴調急兮霜華凝曾爲歡之幾何旋紛
擾而咿嚶若大王之壽元辰未屆百司豫啟瓊珠之宮
金華之里象棲輶屏鸞齒犀几窮奇怪獸含香吐馨雲
氣四散化爲仙靈綺麗旖旎奪人目精於是石渠金馬
之士選坐駢至充乎後庭炮翠麟脰霜蔥夏素日張金
燈擲皓腕之鴛袖映繡柱之鴻笙調採菱之艷譜發過

雲之新聲歌曰帝子降兮金井寔集瑤池兮駿白鸞
遐齡兮千萬歲與佳人兮長盤桓爾迺分曹投博飛觥
舉白促席交膝簪珥狼籍玉衡斜漢金虬水澀然後斂
儀肅容悄然言別揚於離館廻鸞東闕此所謂大王之
壽非夫凡氓所得擬也王迺釋位就相如坐以酒觴相
如曰寡人之壽若是其大微子之言寡人弗知也是後
益親幸以相如爲上大夫

晉書漢劉向與子歆書董生有云弔者在門賀者在閭
言有憂則恐懼敬事敬事則必有善坊而福至也又云
賀者在門弔者在閭言受福則驕奢驕奢則禍至故弔

百香齋鑑類

卷三

見人部 慶賀

星

隨而來齊頃公之始藉霸者之餘威輕侮諸侯虧跂蹇
之容故被鞅之禍隨服而亡所謂賀者在門弔者在閭
也兵敗師破人皆弔之恐懼自新百姓愛之諸侯皆歸
其所奪邑所謂弔者在門賀者在閭

增說唐柳宗元對賀者說柳子以罪貶永州有自京師
來者既見曰余聞子坐事斥逐余適將唁子今余視子
之貌浩浩然也能是善矣余無以唁敢轉以爲賀柳子
曰子誠以貌乎則可也然吾豈若是而無志者耶以戚
戚爲無益乎道故若是而已矣吾之罪大會上以竟和
治天下故吾得在此凡吾之貶幸矣而又戚戚焉何哉

天爲天子之吏謀畫無所陳而羣比以爲名蒙恥遇慘
以待不測之誅苟人爾有不戰栗危厲惇惇然者哉吾
嘗靜處以思獨行以求白以上不得自列於聖朝下無
以奉宗祀近邱墓徒欲苟生幸存庶幾似續之不廢是
以放蕩其心倡佯其形茫乎若升高以望潰乎若乘海
而無所往故其容貌如是子誠以浩浩而賀我其孰承
之乎嘻笑之怒甚乎裂眦長歌之哀過乎痛哭庸詎知
我之浩浩非戚戚之尤者乎子休矣

